



棗林雜俎序



膠東高弘圖撰

談子孺未有書癖其在記室見載籍相餉輒色然喜或書至猥
誕亦過目始釋故多所採摭時于坐聆途聽稍可涉筆者無一
輕寘也銖而積寸而累故稱雜焉其義自大易雜卦始予嘗手
其書而悲之以彼其勤脫佐鄴侯之側游茂先之房漁獵群秘
領略要眇何至觀書於市有目不得下有舌不敢吐乎哉今雖
徧載瑣述未適于用而展卷澄鮮筆飽墨瑩誠說林之蠶弧也
惜天限孺木朝不謀夕足跡未及燕而今已矣三輔黃圖之盛
東京夢筆之思孺木即有意乎亦安所措翰也悲夫昔崇禎甲
申九月既望題于白門公署

舊藁二月高相國序後歲有增定大傳西州之慟不止羊曇
山陽隣笛之哀奚翅向秀哉因錄原序投泪識其末

江左遺民跋

述鄭公校錄本

題棗林雜俎

吾僻處孤蘆奪於帖括河東三篋既無亡書茂先連乘兼少載
籍性忽忽善忘偶聆一事擊節私快適穎紙未及隨旬日之內
不復全憶間追毫從事所佚多矣今特輔軒之下材痴諗之餘
啗也說部充棟錯事見采事易蕪采易鑿舍其舊而新是圖又
任目者憑於好惡任耳者失於浮浪也竊深戒之自數年來提
鉛握槧積若干卷食之無肉棄之有味雖在雞肋猶為貴之矣
系以棗林何也吾上世以宋靖康之難自汴徙於杭者四傳德
祐末避兵徙益官之棗林今未四百禩又並於德祐吾旦暮之
人也安所避哉求桃源而無從庶以棗林老耳書從地不忘本
也

述鄭公校錄本

棗林雜俎 智集

逸典

朱家巷

疑像

石農器

保越錄

汪清木首

避諱

二豪遺裔

祭糧田

鉄券

下操牌

齋宮寢具

戶帖

內官勅封

功臣廟

社稷壇

宮衝

本縣官

縣令並僉

後湖冊

食鹽

錢爐

屯田

照略官

吏卒支給

衛所遙轄

戶口婦女

賀節

詔勅筒

夜鈴

總兵体統

品官酒具

御史首道

鳳陽興福宮

瓜哇移文

占籍

官儼

太廟銀葉

不禁服内生子

孔子像

朔望行香

信世子

木鐸老人

課栽桑枣

昭示奸党錄

江南牧馬

沈萬三

郊燈

征南將軍印

國初抄劄法

勲嫡

鎮江輕租

番經臺

内庫

神宮監

奉先殿薦新

淨海

武賤貶封

門禁

同宗

韓魏李公燈榜藏勅

述鄭公校錄本

宋濂

楊彞猷詩

功狀榜里

經進集

恩榮宴釋父

丁玉銀錠

建文皇帝遺蹟

建文皇帝墓

方孝孺稱辭先生

雪菴和尚詩

許觀考滿呈式

高巽志謚

建文遺臣

黃鉞裔

茅大方

烏鎮九老會

建文書法擬

神虎

脫驂治賻

世廩生

崑山鄉舉

永樂程鎮

神印

官妃歸寧

佛郎机

西京官俸

史官侍班

留都官擁蓋

兩京宮殿

中使司

賜宮媛家僮

巡撫歲八京

大臣除伍

不奪功臣宅

蜀邱聲炮

學憲兼民事

典史進俸級

孝子孫庸王相

大宗伯不錄翰林

高鏊

呂尼沮駕

景帝墳園

軍運

江南民運

南京貢船

上林苑

松江布

教官考績入京

南京左侍郎

浙東銀冶

大臣馳贈革職官

閣臣賜蟒服

兩宮三殿灾

皇莊

皇店

教諭李璧

教職左遷

提學官疏薦人才屬官富春謠

省掾何麟

楊循吉

蔡鼎

御容藏殿

勲位

大司馬起復

鷹犬虫蟻歲給

述鄭益校錄本

御馬

貢象尾

嘲邊

金甌再卜

青田

宥隨駕監生

李偉

詰惠山神文

少宰被杖

緬酋詭貢

長昂射子

朱國祚

宸翰

太廟羊角燈

傳戴煖耳

喪儀

日本關白求封

朝鮮上書

王守仁誣楚府寄物東宮冊婚

取括子松

川扇

王文肅晚召

閣臣避道

安南上書

戲賞

荒慘慘

八品官馳封

分党

熊廷弼王化貞

魏忠賢

悞羅党籍

幸脱党籍

火偏尚書

劉詔耿如祀互誚

孫尚書憲故人

周維持

鳳見

滕陽驛詩

孫相國行邊

陳明卿慰下獄

暹羅貢表

安南

三王之國

主簿寃縊

許志吉

登極天鳴

戊辰首科

東宮不利

問難

治進香內臣

逆案

徵盜

偽巡臺

五經登第

館選

南場闕節

宸翰

輔臣不給驛

陳啓新

御膳

內閣秉燭

堂饌折價

科抄

何相國市德

烏程長洲之隙

述鄭坐校錄本

袁崇煥

鄭鄴

萬仞宮牆

稅監

詞林題補

周延儒

六曹章奏

磨碑

內臣帶

揭長安門

泄旨罷相

朱萬年

祐聖觀開勅

過周謀

生日移賀

鄭以偉

貢士騎射

鹺司新例

黃道周

張春

詞林之壞

館陶全城

分票

熹宗寔錄

講臣

堂婆

御史改武

盧象升

德府窖金

周士樸

謝秉謙

和杖

蘆溝城

內臣兆蝗

箕書

悼靈王

逆榜

左良玉

蕪湖兵擾

女慘

禁金銀酒器

館課

孝陵夜哭

先帝改謚

述鄭公校錄本

棗林雜俎 智集

益官談 遷孺木著

逸典

朱家巷

句容西門外二十里通德鄉曰朱家巷 本朝之先澤係焉今句容令楊雋卿勒石道上云疑塚平坡斥行不見丘壠人稱卧龍岡也嘉靖時邑人副都御史王疇言其遺蹟不下南京禮部閱實侍郎崔銑視其地蕪僅櫟木一枝多云龍爪樹西北土地廟石鑪鐫朱慶朱安社等字餘無可質今廟樹俱墟意當時一大聚落故云巷易代而後直馳道耳發祥埋玉疇能辨之 太祖不復見非無見也

句容朱家巷祖陵 太祖初命成山伯李新開河於此便運尋
以地脉罷其役 見焦澹園集

疑像

太祖好微行察外事微行恐人識其貌所賜諸王侯御容一盖
疑像也真幅之藏之大廟

石農器

中都太平鄉之孤村 太祖家舊趾今石農器存

保越錄

張士信保越錄盖守紹興拒官兵全城事出越人筆詞多指斥
曰紅寇山陰祁彪佳有其書常熟錢謙益錄之改帝號非復舊
本

述鄭益校錄本

汪清木首

太祖姊二曹國長公主適李貞太原長公主適汪清清從征陳
氏戰沒葬盱眙縣西八十里牧羊山刻木首殉之饗堂柱帖帝
乙聯姻戚里恩波流世澤鄱陽取捷康山廟祀報奇勳為國捐
軀千載忠魂扶社稷相夫委質萬年義塚壯山河

避諱

江陰李 戒菴漫筆載先世分關中寫吳原年洪武原年俱
不用元年想國初惡勝國之號故民間相習如此按避御諱
如六科原士之類戒菴悞矣

二家遺裔

沔陽柯氏馬氏陳友諒遺裔也改姓與部曲談王吳三家通居

興國大治瑞昌界上族指蕃獮崇禎壬午

登鄉榜

張士誠遺裔為章李氏初敗時乳母携幼子而逃冒李姓

祭糧田

盱眙楊王墳置洒掃人三戶祭田四十畝又欽賞三百餘石在
滁州免徭役正德間會典作二百餘石拾納投附至二萬餘丁免
糧約三萬餘石則會典失於深攷

盱眙縣志

鉄券

鉄券國公式二高一尺博尺有六寸五分次高九寸五分博尺
有六寸侯式三高九寸博尺有五寸五分次高八寸五分博同
上又次高八寸博尺有四寸五分伯式二高七寸五分博尺有
三寸五分次高六寸五分博尺有二寸五分

述鄭公校錄本

曹國公李文忠二券舊券洪武三年十一月丙申制新券繫次
年其文大同小異

中山侯湯和券文載毘陵文忠事其誥曰雲龍之喻在昔所稱
造化兩間鬱為霖雨朕起草萊將多梓里爾和英邁勢若熊虎
自定居江北以爾守毘陵吳儂狡銳爾獨當之九天九地示戒
叵測惟爾之固吾圉也其閩越山陝盡入版圖爾惟多勤是用
授爾列于通侯以克永世於戲秉忠効力千載一會宣爾勤勞
訓及子孫惟爾念之

下操牌

高皇后助 太祖勦業有牌視晴雨下操夜嘗張蓋庭中聞雨
聲即牌止操嘗驟雨急衣出付閤者今蓋藏內守備廳

齋宮寢具

南郊齋宮藏 太祖黃綾被紅布茵莞席蒲藹 明制宿齋進
銅人執牙簡書致齋日數于簡上以諭百官

戶帖式

洪武三年十月辛亥給民戶帖以戶部半印勘合令有司各戶
比對不合者遣戍隱匿者斬男女田宅牛畜備載其後戶部尚
書鄧德左侍郎程進試侍郎某郎中某員外某主事某各押名
又本州縣正從官知印吏亦押名部官押名俱刻本州縣押名
細書帖不滿二尺偶閱密縣志具戶帖式於左

一戶傳本七口開封府鈞州密縣民洪武三年八籍原係包信
男子三口成丁二口本身五十二歲不成丁一口次男小捧婦
女四口大二口妻四十二歲小二口次女昭德九歲事產瓦房

述鄭益校錄本

三間南北
山地二頃
右戶帖付傳本收執准此

寧國知府廬陵陳灌作戶帖以定版籍民甚德之後以其法詔
行天下 寧國府志

內官勅封

國初內使監令等官皆給勅命賜封後章

功臣廟

南京開國功臣廟六王像皆冕旒居上侯伯蟬冠簪纓列左右
鳳陽開國功臣廟常遇春廟像烏紗絳袍

社稷壇

社稷壇陪祭行禮南嚮餘祭北嚮

官銜

文臣官銜支俸勲戚官銜不支俸

本縣官師

仙居縣志洪武四年邑人任繼先除仙居知縣法令嚴峻縣民畏之六年歸隱于下黃金華府志永康知縣呂兼明呂文燧俱本縣人

教官國初多郡縣辟舉不盡錄銓選試職三年有功方寔領授

縣令並僉

永樂間沁水知縣章聰趙美並僉王翺王用陳錦並僉李遺趙倫並僉

沁水縣志

按國初六部尚書並僉其縣令僅見沁水志

述鄭益校錄本

或他邑或他官亦有之第掌故久佚矣

後湖冊

南京太平門外玄武湖中洲貯天下黃冊鼠啣衣不啣冊每曝冊發其下多鼠伏死

食鹽

官吏食鹽每人十二斤市民六斤納鈔一貫鄉民人二斤二兩五錢每斤納米四升三合二勺二鈔五撮景泰中官納至三十口吏至十五口成化二年定官十五口吏七口為率又永樂二年大口鈔十二貫小口六貫蓋以鹽給民故徵鈔今官不給鹽而鈔徵如故其弊不知所始南唐昇元初賦正苗一斛別輸三斗授鹽二斤曰鹽米元宗交泰初淮南鹽場入于周遂不支鹽

而輸米如初南唐偏安何足論而全盛如今日何流弊不至不復問也

平涼府志曰平涼食鹽鈔銀其始也因官有鹽以市民披籍計口取其直而里長公具牛車輸之里中仍計口給鹽是官受鹽而民資食也上下相資非牟利也上自王府下及官吏貧民皆有食鹽無復買鹽於商者而官復召商中鹽商將何所賣之緣弘治以後雖計口收鈔唯王府及達官支鹽而司府吏民皆莫或運支第市商鹽而食故虛納銀于官後市鹽于商官收倍利民獲二害其鈔銀乃以給宗室折俸今百官折俸例皆虛名未有寔支而宗室復得鈔銀以折俸徃徃知其弊亦莫肯寔輸鈔銀而宗室折俸亦不莫其必得也姑以文符市諸奸得佑五之

述鄭益校錄本

一焉所獲亦其微佑符者必下所司嚴徵於民與奸軌之民各分其重困黎民而利斯人予不知其何說也趙時春

浙鹽每引四百斤官給工本鈔每引二貫五百文故稱鹽鈔當時法嚴鈔貴竈丁得利後鈔法不行灶得鈔無所用煎鹽窮苦因利納銀告攀水鄉竈戶水鄉灶戶初制募民為灶准免一死故富民爭買灶籍寔非灶也兩淮鹽歲七十萬五千一百八十

引

長蘆鹽凡近海俱鹽坑築灘如治畦鱗次而下其旁為大塹潮上則塹皆平潮退挹水注上畦中風之日之又注一畦風之日之又注如初投以石蓮立而不仆則水氣盡鹵醇如飴東北風至水上凝鹽如雪花雨則鹽減鹽粒大而甘孫廷銓

河東解鹽池但侯南風凝給不假人力

四川鹽井提舉司洪武間鹽井二百七十八額課一千六百零五萬九千三十斤永樂十八年雲南商人汪浩言上流屬井課少水多遺遣官於永通等九州擁出鹽七十五萬一千二百二十斤列之正額名曰新增鹽上流通海擁出鹽五十萬八千九百九十一斤補入額數後提舉顧訥發之名曰埋沒鹽二十二年福興等井戶別等小井並貼擁出鹽七萬四千六十六斤名曰添辦鹽宣德間富義等井戶亦尋井開煎擁出鹽一萬五千三百八十八斤名曰爭羨鹽景泰間戶部主事汪回顯復課新舊鹽井共一千二百八十灶一萬五千三百八十八丁歲辦鹽八引每引二百斤歲額鹽二千一百三十五萬三千七百四十

述鄭公校錄本

三斤五兩三錢貯監倉。井大者汲以草囊小者竹筒每鹹水一斛可得鹽十五斤 四川通志

錢爐

北平山東雲南各二十二爐山西四十爐浙江二十爐江西一百一十五爐廣西四川各十爐陝西三十九爐廣東十九爐南京嘉靖間鑄錢其背或以金塗之民間曰金背錢或火董其背使黑民間曰火漆錢其雲南及寶源局先年純用銅錫不雜以鉛每文重一錢二分又車鑄其邊色黃質堅民間曰鑄邊後科臣建議革去車鑄止用鑄制二座而工人復盜銅料其邊粗澁曰一條棍不異私鑄錢法遂廢

屯田

國初屯軍七操軍三屯軍每人二十畝種穀三石六斗牛犂歲徵穀五十石入屯倉每月徵穀二石歲支二十四石為家小糧三石二斗為種穀後以米四斗折穀石歲納米九石一斗二升

南昌衛及饒州撫州千戶所屯田俱在池州

南京屯制每軍額田五十畝歲輸十八石即以其租月給本軍一石計歲每軍餘米六石以餉城守之軍後憐屯耗令十二石存留自贍止納六石

寧國府志屯田五軍人給四十畝歲徵米六石

杭州府志總旗人十八畝糧二十四石小旗人十四畝糧二十石四斗軍人十二畝糧十八石正統元年減徵未併鎗者總旗納十二石小旗八石四斗併鎗者總旗六石小旗與軍同

述鄭全校錄本

嘉興府志總旗十八畝小旗十六畝軍十二畝各糧六石本折均平未併鎗總旗加辦六石小旗加辦二石四斗併鎗後各糧六石

福州府志洪武時軍稱舊屯永樂時軍稱新屯俱分給三十畝歲正租十二石給本軍餘糧十二石給守城軍士

平涼府志屯軍人百二十畝畝輸穀並例一斗以五升給屯丁實輸至五升為銀二分而已遠者每石折銀四錢。又曰營田一項徵子粒糧六石按屯租贏縮不一因地制宜具見其略

照略官

金華府志金華守禦千戶所洪武三年設正千戶一副千戶二百戶十其聽訟設鎮撫一以上皆世襲其幕僚初設照略一員

後革改吏目

吏卒支給

衛所每月指揮僉事米四石八斗正千戶米三石二斗副千戶二石八斗百戶三石鎮撫二石四斗漕卒月支米八斗操備及諸雜差有妻者六斗否則四斗五升羸老殘疾者三斗

衛所遙轄

鎮遠衛清浪衛偏橋衛五開衛銅鼓衛瞿塘衛俱在貴州境以湖廣都司遙領之如山西磁州守禦千戶所置在河南蒲州守禦千戶所置於山西

撫州衛屯田有在徽州新安衛屯田有在應天

戶口婦女

述鄭益校錄本

上海縣志戶口脩載婦女洪武二十四年男子二十七萬八千八百七十四婦女二十五萬三千九百二十九永樂十年男子十九萬九千七百八十一婦女十七萬八千六百四十七其數相准至洪治十五年男子十七萬九千五百二十四婦女八萬一千二百九十五七隆慶六年男子十五萬八千五百三十二婦女三萬四千四百三十五數不相准則今昔醇偽之殊也按各郡縣志戶口不載婦女特錄之

賀節

萬壽節元旦冬至諸節京省諸臣俱於進表日行全禮至日但行八拜禮不舞蹈不呼嵩此太祖所親定後人不知俱再行禮南京則并出表日亦不行全禮隆慶中林退齋署南都察

院疏請禮部覆從之客座贊語

詔勅筒

南京皇城巡夜金鈴百枚搖訖即曙數之未嘗闕一

總兵體統

國初列侯總兵體極尊重有司伏謁如屬禮近內地守令昧于掌故輒欲鈞禮違違取累

品官酒具

一二品官酒器俱黃金三品至五品銀壺金盞六品至九品俱銀餘人用甕漆木器按太祖起民間習于節儉又深懲貪墨而定品官器具不為寒乞則所謂彬彬郁郁也正統三年品官房室除貪污罷斥者改折外餘許子孫居住

述鄭益校錄本

御史首道

御史聽選聽察首浙江道內計掌察則河南道蓋國初首下浙東先設官洪武元年詔開封為北京示其重也名勝志云北宋以河南為京畿道故寰宇記首列河南南宋以臨安為京畿道故紀勝要覽首列浙江我朝蓋兩沿宋制非也

鳳陽興福宮

洪武九年四月 上如鳳陽居皇城興福宮

中都攷史不載新志

瓜哇移文

瓜哇移文嘗書一千三百七十六年蓋自其立國始

占籍

民籍灶軍匠外儒籍商籍官籍先賢籍按崇禎丁丑科進士四

川齒錄書儒籍同輩頗異之以祖父三世皆教職又蜀中習例也

天地壇壇戶天壽山種樹人戶宛平昌平墳戶光祿寺酒戶陵戶廟戶園戶瓜戶菓戶米戶藕戶窰戶羊戶

官儼

歲十一月太平人奉郡符直入應天尹中道儼于南京

太廟銀葉

立春立冬日京尹進太廟銀葉

不禁服內生子

御製孝慈錄序有曰禁服內生子不近人情故大明律無服內生子之條教東谷贊言

述鄭公校錄本

莊皇在東宮時康妃服未畢生元子 上不憚論嚴嵩曰禮官

得毋言乎嵩詢諸朝士皆莫敢對少詹事尹洞山臺曰曷不舉

孝慈錄序中不禁民間生子語乎嵩以其言對 上釋然

孔子像

唐李元瓘言孔子廟顏子配其像立侍則像在唐前已有之洪武十四年二月建太學自夫子以下各設裨主數百年夷習乃草然外學仍如元人之舊嘉靖九年始撤像

朔望行香

洪武十七年勅每月朔望祭酒以下行釋菜禮郡邑長以下詣學行香按朔望行香之禮古未有也北齊每月朔望祭酒博士諸生展拜塔下郡縣朔朝是時未熟今所謂香也然朔日行禮

則始于此其後遂以朔望行香朱子曰謁宣聖焚香不是古禮
捨香不當叩頭只直上捨香即出笏叩首而拜由是言之則宋
亦然矣但儀節與今不同今只行拜禮

澄海縣志東陽
王嘉忠著

湯信贈世子

信國公湯和世子禹早卒贈信世子墓鍾山勲裔同于藩嫡

木鐸老人

木鐸老人國初專理本里事權侷縣令縣令不法老人能持之
後為泛役胥徒等賤

課栽桑束

洪武二十七年令百姓多栽桑束每一戶初年二百株次年四
百株三年共六百株違者全家發遣充軍有司據寔以報考

述鄭益校錄本

績殿最係之今典史具成績以脩故事如蘓松常鎮不桑不束
歲報如例官課虛飾類此多矣

昭示奸黨錄

太祖誅胡丞相惟庸及其黨所彙爰書曰昭示奸黨錄蓋王之
敗又理前案搜入無遺定曰奸黨錄自為序

江南牧馬

洪武十四年令蘓松嘉湖四郡民占田四十頃以上出上馬一
匹三十頃以上出中馬一匹二十頃以上出下馬一匹

長溪沈
氏家傳

沈萬三

南京會同館富人沈萬三秀故居也館圯遺礎尚存人疑其有
藏金頗坎掘翰林院四書檮各高丈許工部節慎庫四銅檮高

可過人國子監四銅缸光祿寺鉄木酒榨每榨用酒米二十石俱其物

郊燈

南郊燈杆高十二丈有奇燈籠大丈餘容四人剪燭郊之夕洪武門皇城各燈如之

征南將軍印

征南將軍印沐氏世佩其印不全用量事大小或用一角或半用夷人奉之如尺一

國初鈔劄法

今各處抄劄人口家財解本處衛所成丁男子同妻小收軍充役其餘人口給與官軍為奴金銀珠翠本處官司收貯年終類

述鄭益校錄本

解馬匹令本衛收養給與騎卒牛隻給與屯卒無屯處并一應孳畜粗重物件盡行變賣值錢於有司該庫交收犯人家產田地外內有墳塋不在抄劄之限

勲嫡

允公侯伯最尊嫡長其承襲世封者舉宗呼為爵主一切吉凶大事以及爭鬪構鬪皆聽爵主分割曲直其罪稍輕不必送法司者得自行答禁不避尊行亦猶天家規簿及群郡王體制最合古人宗法然惟開國靖難諸故家為能其他暴貴者不能盡聽約束矣又軍中僚伍偏裨以及幕賓稍為雅談者每呼正位總兵官為兵主此唯大將專生殺者為然副將以下即貴至橫王僅呼為帥主耳蓋亦唐人以使主稱節度大使意也宋世使

者出疆亦名正使為使主其副使犯令雖得尊官亦得用軍法
誅之沈德符野獲編

鎮江輕租

鎮江民糧全免官租半徵民糧本色亦免徵惟折馬價

番經臺

南京大內番經臺多六朝古石

內庫

內府供用庫廳前懸木魚一長三尺許示有餘之意後庫上有
瓦鴿子一

左順門內庫設木欄秤閱凡有事而出皆搜檢即筦庫內臣亦
然獨文官不搜邵文莊集

述鄭益校錄本

神宮監

神宮監不許蓄犬萬曆間掌監杜用養一小犬為東廠訪知費
千餘金方免參

奉先殿薦新

南京奉先殿薦新正月生菜十斤韭十斤薺十斤上元江寧辦

鷄子鴨子各三百太常寺辦二月子鶩二十二隻外副鶩二隻

兩縣辦直芹七斤萹蒿七斤薑菜十五斤兩縣辦三月笋十五

斤兩錢四川壇辦鯉二十五斤河泊所四月梅二十斤櫻桃十五斤

杏十八斤園戶黃瓜百三十枚兩縣靛賭三斤雉六隻兩縣五

月桃十五斤李十五斤來禽十五斤園戶茄二百五十枚兩縣

嫩雞二十隻副雞八隻江寧夏至日李五十斤太常寺六月蓮

百六十枚甜瓜三十枚西瓜三十枚冬瓜十八枚西縣七月雪
梨二十斤寧國芡實十斤園戶葡萄十二斤菱二十斤棗十二
斤江寧八月菱白二十斤池戶芋二十斤園戶薑二十斤藕三
十枝鰕魚二十五斤河泊所粟米一斗糝米一斗山川壇粳米
三斗江寧九月香橙二十斤園戶鱖十五斤河泊所栗子二十
斤小紅荳三斗江寧砂糖一斤八兩十月柑二十五斤橘二十
五斤吳縣活兔六隻溧水溧陽山藥四十斤句容蜜一斤太常
寺十一月甘蔗百

淨海

寧波金塘大榭温台玉環石塘皆懸海山田周數百里舊有居
民國初因倭亂徒入內地

述鄭公校錄本

武職賜封

洪武十七年正月濟南衛指揮使何誠乞封繼父時生父已
封許之今世弁必都督其崛起至泰將始封

門禁

南京洪武朝陽太平三門禁出樞魏國公家葬鍾山許太平門
倒出

同宗

翰林學士新安朱升誥命有眷我同宗之老寔為耆喆之英詞
臣代言恐未敢稱同宗或上旨然耶野史謂太祖嘗欲繫
族元晦容或有之

李韓公燈榜藏勅

李丞相善長史謂定遠人寔世居徽郡祖 葬郡城東十里丞
相少讀書靈金山留有金燈疏刻中元節焚疏則燈見歲久板
漫漶改刻焚之燈隱今仍前刻丞相沒駙馬都尉祺次子盛慶
謫佃續溪之龍閑家藏太祖手勅二稍明胡黨之寃謫滿二百
十六年准後人伏闕 後還所籍六萬金之半藏勅後質岩鎮
方氏天啓初方氏夢丞相冠帶來索否且見禍乃贖去亡何方
氏火崇禎二年十世孫李世選投教上奏下閣臣韓云 高皇
帝遺旨一道仍手書皇封之上勅賜勲臣皇親外甥李盛慶
祖善長因國事罰貶去守龍閑二百十六春為民依教滿捧此
勅到京見主開折復忠臣功爵謚同依近世世不忘李徐劉勲
臣保障我為主收伐陳友諒天下俱克復十大功勞秋毫無犯

述鄭公校錄本

洪武二十三年出給李盛慶收執欽此臣祖盛慶奉勅遂同乳

媪襁負龍閑相延八世不知封中所言何事無敢輕啟今限已

逾期臣父應寵年六十有七衰殘遲暮臣嫡長代賚云 下閣

部勘閱大學士韓爌等言文書官賈宗誼奉聖諭至閣云朕讀

皇史宬尊藏御筆折對封面上亦有二三字相似其寶篆辨永

昌但其封內文書正為不類所言二百十六春便當應期來何

延至今既曰李盛慶又曰李盛是一人還是二人卿等詳查揭

奏於是大學士韓爌等言臣詣皇極殿恭驗 皇祖御筆以李

世遷所進勅比對可疑不止一端 皇祖親筆行草皆行健有

法而所進不然即封面長字臣字爵字稍似亦未逼肖若中幅

則不同已多可疑一也皇祖初年戒勅諸帖諭敵國出自親裁

詞意淵卓豈臨御二十三年之後手書文義不類若此貶守龍
関亦屬無據可疑二也其云二百十六春為民限滿自洪武二
十三年至今二百四十年矣前此應期何不来奏可疑三也封
面稱李盛慶封内又稱李盛李世選疏有福慶延慶盛慶三名
則盛慶為一人明矣然考善長子駙馬都尉祺之子二芳留守
中衛指揮茂旗手衛鎮撫至芳子恒始停襲並無盛慶等名善
長賜死芳茂俱赦弗誅世選云祺同子福慶延慶亦因以死可
疑四也封内悞書胡惟庸為維庸李祺為奕棋之棋可疑五也
洪武元年定尚寶司為正五品舊制寶十七顆並無单用永昌
二字可疑六也又善長自縊在二十三年五月二十二日是春
榜列功臣尤首善長而封内乃書二十三年仲春月初一日出

述鄭益校錄本

給則給勅乃在善長未死之前其謬可知矣云禮科給事中
孫紹統禮部尚書何如寵俱參其謬如寵曰臣質問世選年二
十歲住績溪九都龍関問何不依限來奏云父風疾又貧農上
年清明節祭旌德祖墳遇生員李仙品說起扶持營費同來又
問封面寫盛慶封内又李盛是一是二云是一人問吾學編等
書李善長子孫世次甚詳並無福慶延慶等名云年幼不知察
世選一村愚頗不知作偽而應對之間非推年幼不知則云不
敢折看但云凡事李仙品曉得云兵科給事中宋鳴梧奏曰
善長事詳載寔錄尤莫詳於昭示奸党錄善長被詰自縊今日
止令致仕尋卒一謬也善長之子駙馬祺囚於家建文初赦守
江浦靖難兵入投水自溺今云善長卒祺因卒二謬也有二子

曰芳曰茂芳為留守中衛指揮茂龍旗手衛鎮撫茂子恒停襲
今云祺與二子福慶延慶同死止有宗孫盛慶所謂盛慶者善
長之後也抑存義之後耶善長自駙馬外有二子胡惟庸招中
所稱四官人六官人及存義之子伸佑俱誅死所謂宗孫盛慶
者何人三謬也云按茂生恒恒生城城生宜宜生鵠世居聚
寶門外竟論世遷死

談遷曰李世遷所上 高皇帝手勅生証妄與漢竇嬰所上
大行手詔同嬰豈作偽者或景帝大漸不及下尚書耳 高
皇帝開天之事不可以拘格論御筆二三字僅似文義不甚
類六達達有之福慶延慶意芳茂小字國初好稱小字如惟
庸李祺之悞人人知之能偽必不悞悞處或聖怒特改其曰

述鄭益校錄本

仲春月初一日給以趣善長死未即自決故至五月二十二
日也 高皇帝過舉既不欲暴而上公之爵非一紙即復存
疑可也謂作偽似未必然

宋廉

馮文仲春

馮文仲春先生奉制作蟠桃頌 上命其子中書舍人璉書於挾

內藏於庫猶存

元翰林待制柳貫道傳宋先生師之柳集若干卷行世遺稿四
秩宋手書細楷藏柳氏處

嘉興鄭楷撰宋先生行狀云任國子司業 上欲試先生以吏
事四年八月授安遠知縣按宋以議孔廟禮忤旨謫非試吏事
也正不必諱 洪武十四年辛酉先生卒葬夔州蓮花峰不越

曰芳曰茂芳為留守中衛指揮茂襲旗手衛鎮撫茂子恒停襲
今云祺與二子福慶延慶同死止有宗孫盛慶所謂盛慶者善
長之後也抑存義之後耶善長自駙馬外有二子胡惟庸招中
所稱四官人六官人及存義之子伸佑俱誅死所謂宗孫盛慶
者何人三謬也云按茂生恒恒生城城生宜宜生鵞世居聚
寶門外竟論世選死

談遷曰李世選所上 高皇帝手勅坐誣妄與漢竇嬰所上
大行手詔同嬰豈作偽者或景帝大漸不及下尚書耳 高
皇帝開天之事不可以拘格論御筆二三字僅似文義不甚
類六選選有之福慶延慶意芳茂小字國初好稱小字如惟
庸李祺之悞人人知之能偽必不悞悞處或聖怒特改其曰

述鄭益校錄本

仲春月初一日給以趣善長死未即自決故至五月二十二
日也 高皇帝過舉既不欲暴而上公之爵非一紙即復存
疑可也謂作偽似未必然

宋濂

宋景濂先生奉制作蟠桃頌 上命其子中書舍人璉書於挾
內藏於庫猶存

元翰林待制柳貫道傳宋先生師之柳集若干卷行世遺稿四
秩宋手書細楷藏柳氏處

嘉興鄭楷撰宋先生行狀云任國子司業 上欲試先生以吏
事四年八月授安遠知縣按宋以議孔廟禮忤旨謫非試吏事
也正不必諱 洪武十四年辛酉先生卒葬夔州蓮花峰不越

三十三年永樂癸巳十二月二十七日蜀獻王遷成都之華陽安養鄉又七十二年成化乙巳十二月十三日蜀惠王改葬錦城迎暉門外

楊彞獻詩

餘姚楊彞宋彞洪武中任長泰主簿其子坐謫移家成貴州之普安衛宗彞棄官伏闕獻詩曰臣本山中一布衣三年從宦在京畿功名有志嗟何晚妻子無依夜不歸日照九重思莫辦月明千里泪頻揮丹心一點隨雲氣長繞黃金闕下飛上悅之擢吏部考功主事還其從戎妻怒孥復以引年去官就養普安有

萬松集

點記

功狀榜里

述鄭校錄本

晉江陳章應進士歷榆次繁峙安丘三縣丞以才廉召為禮部儀制主事太祖閱功狀大異之璽書褒美下本郡榜之里門以寵之榜猶藏於家

王遵岩文集

經進集

華亭顧祿謹中以太學生官太常典簿歷蜀府教授太祖聞其詩命盡進之解縉嘗入便殿見御前置祿詩數帙故其集名經進云

恩榮宴釋父

邵陽梁德洪武乙丑進士父廷用戶部郎中繫詔獄德遠不赴恩榮宴及父謫戍請身代特拜工科給事中命釋其父

楚記

丁玉銀錠

平羌將軍丁玉經略西番鑄銀錠與之要約散給諸羌得者寶之如神物上有誓詞輕重不等番中號為大夫

建文皇帝遺蹟

郭子章曰吾學編唯伏亭叢記俱載 帝在金筑長官司羅永菴題詩壁間予入黔今定番州守王應昌訪其菴在羅榮寨五里許有白雲庵即 帝避難處也豈悞榮為永悞寨為庵耶庵畔一井周匝可二尺許深半之傳帝所浚井中水恒雨不溢恒暘即千萬人飲之不涸時有雙鯉出沒其間久旱出輒雨淫雨出輒晴其應不爽庵後有洞亦曰白雲外窄中廣可坐可卧有臺可置燈又有隙通天光明內徹乃 帝修煉所庵左右有杉數章大者數圍小者合抱皆 帝手植前臨龍潛金剛二寺

述鄭益校錄本

萬山朝拱儼然居高臨卑 帝潛此數十年豈無意又嘗經宿威清衛為劉氏書玩畧堂御墨猶存劉即今指揮世爵祖也在宇內黔為僻在黔羅榮為僻終永樂之世不能物色之以此嗟乎古今帝王出亡無復有歸者亡而歸唯 帝使 成祖無德

昭之恨 英廟成親親之仁亦千古一快點記

風塵一夕忽南侵天命潛移四海心鳳返丹山紅日遠龍歸滄海碧雲深紫微無象星還拱玉漏銷聲水自沉遙想禁城今夜六月宮猶望翠華臨其一 閱罷撈嚴聲懶敲笑看黃屋寄曇標南來瘴嶺千層迥北望天門萬里遙款段久忘飛鳳輦袈裟新換袞龍袍百官此日知何處唯有郡鴉早晚朝右題金筑二首馮元成集 飄泊西江南何四十秋於今白髮已蒙頭乾坤有恨家何在江

漢無情水自流長樂宮中雲氣散朝元閣上雨聲收新蒲細柳
年年綠野老吞聲哭未休 斷絕紅塵法守宗清高不比世人
同牢鎖心猿歸定寂莫教意馬任西東禅杖曾挑滄海月袈裟
又接祖師風吾今滿眼空門事幾個知音了悟功默記
衡州有建文岩以 建文帝自南中還寓衡之華嚴寺當岩坐
故名有碑記有奏草自稱匡僧瓊俊見吳人朱鷺建文書法擬
萬曆戊子老僧大慧來自衡中言
雲南武定軍民府獅山之半有庵曰龍隱中祠 建文帝云棲
山四十餘年始自田州歸大內今其像禅衣錫杖凄然老衲也
錢塘縣 大遮山東明寺 帝嘗隱此有遺影云 帝自
寫今塑其像髡髻面紫其遺影近一紳購去

述鄭公校錄本

武康縣證道寺題壁江湖徧覽此間停終日觀瀾坐梵扃近水
魚遊千頃碧長空鳶戾九霄青聖賢道配乾坤德日月光華草
木馨媿我遠來山寂處誰言道有少微星歲次辛亥孟夏梅書
相傳 建文帝題大書適逸末一字未辨

帝嘗寓吳江史翰林仲彬家篆書小雅堂史孫女適嘉善池湾
沈氏移榜去惧禍鏟其題識沈石田先生有登小雅堂哭史仲
彬詩

建文皇帝葬

建文帝墓在西山聞嘉靖十五年九月 聖駕嘗幸此 王在晉長安客話
天下大法師之墓在北京黑龍潭二里 劉侗帝京景物志
建文帝葬處距 景帝陵不遠石碑題曰天下大法師之墓駙

馬都尉鞏永固請追謚稱皇帝 上語輔臣曰建文無墓何憑
追復尊号乃止蓋輔臣不知抑此以對也 楊士聰玉堂薈記

方孝孺辭稱先生

方遜志與潘擇可書辭稱先生前輩虛受如此今學語兒灾梨
輒自稱先生寧不顏汗

雪菴和尚詩

典衣沽美酒斲作釣金鱗請我師師友邀他上上賓風吹椒樹
老雨洒桂荅新百歲如彈指相逢莫厭貧

許觀考滿呈式

翰林院修撰許觀年三十三歲係直隸池州貴池縣在城民籍
由本縣儒學生員洪武十七年歲貢考試中式送國子監讀書

述鄭坐校錄本

當中應天鄉試為丁父憂不曾會試洪武二十一年十月間
起復仍送國子監讀書洪武二十四年二月內禮部會試中式
三月初十日殿試賜進士及第當月十七日除授翰林修院修
撰洪武二十五年除授翰林院修撰洪武二十五年八月二十
三日聞祖母喪承重丁憂洪武二十七年十一月二十三日服
滿洪武二十八年正月內到部 日復除原職至洪武二十九
年八月 日寔歷俸三十七個月己是三年考滿例應考
揆今將任內行過事蹟有無過名開坐須至呈者 一事蹟撰
述文字檢閱經史撰寫刑部等衙門榜文編寫諸司職掌編寫
省會等錄考試歲貢生員考國子監每季課業清理軍職貼黃
註銷各衙門前件 一過名無 本院學士劉三吾署考云修

撰許觀發身科第擢居翰林器局疏通蒞事勤謹在位三年可謂稱職舊京詞林志

許觀洪武庚午鄉榜三十一名

許觀籍沒弟觀匿廣文廨舍中得脫遺腹子寄育外家郭氏

郭自有子長而相詬謂爾侍中宗人是罪孽也訟于官郡守閱

之令仍黃氏後黨禁解萬曆丁酉蜀人龔文選以御史按部至

貴池訪侍中裔孫久之得二人各持世系上御史留其一曰此

為真彼贗也縣官請其故曰身即侍中族裔往避難竄蜀改姓

耳因奏立祠奉祀釋其姻黨翟翁二氏永戍廩其裔於學宮觀

夫人翁氏家尚存多居郡城貴池蔡生說

吳人許觀字瀾伯有高行不仕與侍中同時同名字見文徵明

述鄭坐校錄本

跋江貫道画卷

高巽志謚

建文中太常寺右少卿兼學士高巽志謚文忠貢士沈純祐秀水志

周玄初宦林集巽志作周尊師傳後題洪武三十五年歲次壬

午春正月前吏部侍郎太史河南高巽志革除之後不著建文

職官而遜國記未之詳也俟更攷之

建文遺臣

金華楊榮由歲貢敦尚風節以詩文名官國子助教靖難未棄

官歸永樂初詔錄舊臣榮辭不赴強至中途歎曰吾何顏復樹

名仕籍乎遂赴水死

朱寧一名寧字士安洪武中汀州同知調河間奉母就

養時守闕寧署郡符未幾靖難兵起倉卒城陷遣人奉母由間道馳歸抱印抗節因械軍中永樂初謫戍良鄉十餘年脩嘗艱若作耕雲軒以自適後赦歸以主簿起竟不就辭疾歸母已沒痛悼不已廬墓終身

以上俱湯溪縣志先屬金華縣

仙居碩碩以通經授石樓知縣擢吏部主事 文皇帝即位召之不赴棄官逃去為富家牧牛每至山椒水湄輒飲泣微咏出牧携一竹筍絨膝甚密莫歸即枕之卧或問其中何物珍之乃爾即悶悶不答至永樂終盡赦死義家聞之歌曰騎牛緩緩過前阿手執牛繩口歎歌牛飽人饑欲歸去幸何幸何幸何乃開筍出衣冠服之辭主人而歸詢其詳乃碩也 仙居縣志 袁敬所者不知其名永樂初流寓常山之松嶺為人易直善飲

述鄭公校錄本

飲酣輒書淵明五柳圖詩書罷擲筆悲吟繼以濺泪又嘗夜宿旅店聞人行聲起題詩于壁悲吟達旦一江西布商見之曰此吾鄉某編修何為在此袁趨掩其口商佯不顧而去後十餘年贅一婺婦死婦家 藜杖芒鞋白布裘山中甲子自春秋呼兒

檢點 先帝御諱

門前柳莫遣飛花過石頭

題淵明五柳圖詩

宣德初有綿竹山人題詩于浦城之黎嶺山河形勝今猶在宮闕趨險事已非冀野風生雙虎闕咸陽火起一龍飛傷心何忍聞黃詔稽首無緣見袞衣擊石猶懷千古恨仰天血泪不勝揮萬州海雲蒼有老僧示寂衣上有詩十年依佛國萬里走天涯舊主無尋處孤臣敢問家何心嬰組綬有血滴袈裟寒食魂應寂悲歌愧五蛇

以上俱錢牧齋國朝詩選

燕人南征真定知府全椒徐文晟貢士閉城不應後登極查理
不孝官戍興州中屯衛妻王氏擊登聞鼓訴寃得未減

黃鉞裔

常熟給事中黃鉞叔揚亡子弟之裔可仕亦絕有林姓是其嫡
族許子洽說

茅大方

泰興茅大方謁孟廟詩有叙歲次庚辰夏五月大方偕大理丞
廬陵彭與民拾遺攜李朱逢吉承制來撫魯齊兵民道勝過鄒
謁拜祠敬賦一詩以志瞻依之意云鄒國城東有舊祠冕旒遺
像儼容儀母賢昔著三遷教子聖今為百世師故里尚瞻羞俎
豆新碑還刺斷机絲焚香拜手登車去千古無妄義利詞今石

述鄭公校錄本

刺首四字鏡去盖建文二字隱可識也三遷志

烏鎮九老會

烏鎮九老會漏叔瑜字大美號越南會稽人革除時河南道監
察御史唐其道鳳陽人革除時以文史院出署天長縣丞並寓
烏鎮孫孟吉字兆禎烏鎮人革除時建文閣太常寺博士時年
八十五以上三人俱遜荒行遁者脩草朝遺臣之闕

建文書法擬

吳人朱鷺白民著建文書法擬求姚太史希孟序太史崇禎初
方赴召恐觸忌遺金一鎰而別

神虎

燕王舉兵靖難夾河之戰先一日忽有虎突御幄前諸將駭怖

都督譚淵一矢殪之王大喜謂翼日戰必勝翊日為盛庸所攻失利淵死之子忠封新寧伯立廟于門左肖虎見張東白先生神虎傳

脫驂治賻

永樂元年八月成陽侯張武卒 上出內廐鞍馬賻之令有司治葬具

致仕官掌印

永樂七年春 上幸北京詔天下致仕官皆掌印於各郡縣於是致仕衛輝知府義烏胡禧掌常州府印已解印去通判夏英命無錫訓導瑞陽盧立魁作序送其行未書某序不稱頓首僚友知府黃弘同知洪庸通判夏英推官靳俊拜贈永樂二年正

述鄭益校錄本

月十七日故衛輝知府胡禧來朝年老賜冠帶宴賞致仕賜勅

立廩生

江陰鄧師錫原安南降臣其子孫世順天府儒學廩生聽歲貢

文臣封贈

明初文臣多不得封贈贈父母暨妻始永樂十年時僅八人西楊勒石以垂後

崑山鄉舉

崑永樂甲午崑山起送諸生科試止五人曹瑜戴義陳邵王永和夏昶是年皆中選而永和為名臣 偶桓醉吟錄

永樂程錄

永樂庚子科浙錄按察司一人居首監臨由監生次巡按御史

次布政司時尚執法故首臬司也舉子書名每行書二人
補印

永樂十六年慈溪縣失印請更鑄朝議舊恐印復云易為奸改
印文從谷曰慈谿

宮妃歸寧

永樂二十年恭順榮穆麗妃陳氏入宮
寧陽侯陳懋女受冊尋命歸寧
父母賚予甚厚

佛即機

佛即機烏銃相傳得之番船都督戚繼光少署登州衛印發地
寔永樂時佛即機年月鑄文可攷又庫有烏銃

兩京官俸

述鄭益校錄本

兩京官俸微有不同如南郡主事支米三石北部支四石五斗
有奇折俸亦不同

史官侍班

常朝御皇極門史官四員班左右各科前午朝會極門史官二
員列御座東稍南至機密宣召史官不侍

留都官擁蓋

南京各官惟大司馬閱武及都督御史張蓋大司馬八驕御飛
霍袍

中使司

洪熙元年封皇女六人為公主命先為嘉興延平慶都三主府
造中使司印中使司有正副亦闈人為之如王府之承奉非唐

家以士人充俺佐也

賜宮媛家僮

仁宗賜大醫院使蔣用文宮媛李氏莊氏徐氏賜御醫何淵手札三十一道家僮二人文馬二匹

巡撫歲入京

宣德時令巡撫歲八月赴京議事

大臣除伍

宣德時兵部右侍郎錢塘徐琦戎籍寧夏以使安南稱旨特除其軍籍後樞部為例

不奪功臣宅

宣德五年十二月丙辰秦府保安王志炯請故陝西都指揮使

述鄭公校錄本

陳懷宅為洛川縣主居第 上諭工部尚書吳中曰陳懷功臣若尚有親屬安可遽奪其令陝西三司覆勘噫視斥郭汾陽舊宅入法雄寺者何如哉

蜀邸聲鏡

宣德五年蜀王府忽舉炮鏡搃兵陳懷以聞 上責輔導官謝還護衛三之一今熙洽極矣江南喪嫁鏡震城市了不禁也

學憲兼民事

正統元年五月壬辰設京省提學憲臣二月八月命憲臣兼督民間裁種桑束先是守令提調諸生孟月試經義仲月論表季月策皆在學舍

典史進俸級

正統時山東長清典史淮安何聰九年任滿邑人乞留進九品俸級長清縣志攷先朝寔錄優于下吏類多匪獨何聰也

孝子孫庸王相

正統九年孝子滁州孫庸返自廣西庸字允良其從大父豪為圉人隸太僕馬死當償將之廣西市馬得息補其父景和代行是時庸娠財七月景和道得暴疾死南寧偕行者告官官為藁葬已而生庸比葬北語及輒哀痛斷絕恨不知死所一日閱故籍見狀銳意往乃徒步至南寧求不得遂披髮曳鞞窮歷山谷已得老嫗示葬處因發得骸刺血滲漉之血輒沒入乃負歸歸葬城南旦子岡廬墓如初喪君子曰可謂孝矣以後嗣微薄未得旌胡松曰予少時數聞長老賢通於事者皆言庸孝不誣且

述鄭公校錄本

言庸有友十數人既並死惟庸每歲伏臘必列其位躬奉觴上食泣如與對酒數行而後已蓋孔子有言久要不忘平生之言庸豈其人哉其諸異乎市道交以存沒興衰為離合乎又嘉靖十六年四月巡按御史蘇叢禮於孝子王相之墓相滁州衛人早喪父母賈氏寡委曲奉事得其歡母衰老畏寒相溫枕蓆不替垂十餘年冬深寒甚常橫卧牀第取母足加腹煖後賈齒盡落不能啜含哺哺之病遺矢簣上必自匍滌其喪毀剝不勝朝夕號出入告殯及葬自起塚日奉飲食跽墓獻哭噫慨焉如弗及胡松曰孟子有言狂狷不可必得故又思其次末世俗靡士或迷方輕薄認詞去道遠而故能操秉一行久不易者蓋亦解也王目不知書其所自盡士或不能逮雖其天質之美良亦風

軌所被可以興矣昌黎云無亦使其無傳焉余是以述之

滁州志

大宗伯不由翰林

正統己巳禮部尚書錢塘楊寧嘉靖甲申禮部尚書遂寧席書萬曆庚辰禮部尚書嘉定徐學謨皆起曹署著聲

高鏊

高鏊字企之嘉定人少孤其母改適乃從外舅氏遂昌其姓舅氏故太醫官居京師鏊因習醫補太醫久之直內殿正德十四年二月上書直諫上怒下詔獄榜三十明日跪午門五日復榜五十戍烏撒衛嘉靖初放還晉御醫復高姓自後朝士多新貴無知鏊者而鏊亦自晦匿不先言朝事守官垂四十年不調嘗考績尚書吳山展其牒矍然曰此即武廟時徐鏊耶嗟何

述鄭公校錄本

淹也久之調南京隆慶二年卒年八十三

呂尼沮駕

己巳上出紫荆關陝西尼呂氏迎駕言其行不利上怒叱捶之尼生化去今順天保明寺供其像封為御妹俗稱皇姑寺

景帝墳園

景帝墳園不稱陵在金山口距西山不十里陵前坎陷樹多白楊及椿皆合三四人抱高可二十丈李夢陽集句北極朝廷終不改崩年亦在永安宮雲車一去無消息古木回岩樓閣風

軍運

景奉前漕船無定制天順後定船一萬一千七百七十五隻官軍十二萬一千五百餘負名

容座贊語漕船一萬二千一百四十三隻分十總

南京總各衛一千七百六十隻

江北總各衛二千六百九十四隻

中都留守司八百八十八隻以上俱清江提舉司造

山東都司七百七十三隻糧二十八萬石內折七萬石

浙江都司二千零四十六隻糧六十萬石嘉靖三十三年浙東西分二總

江西都司八百九十九隻糧四十萬石

湖廣都司七百九十五隻糧二十五萬石內折三萬七千七百三十四石七斗

河南糧二十七萬石內折七萬石

江南直隸一千四百四十三隻以上俱各原衛所造

遮洋海船五百二十五隻衛河提舉司造

今額船萬二千一百四十三隻米四百萬石每船正米三千三

述鄭公校錄本

百石定百石加耗九百石八斗又月糧四十金行糧十六金

江南民運

民運白糙粳糯隆慶二年奏定府佐一人領州縣佐一人副焉

正月解維六月告納否則罰六年許同軍船挽進

蘇州船二百二十七隻糧七萬六千零五十七石

松江船九十四隻糧六萬一千六百四十石

常州船百二十七隻糧三萬三千一百二十五石

湖州船八十二隻糧萬千石

嘉興船百三十九隻糧六萬五千七百五十石

嘉湖專供光祿寺酒醋局浮費猶省弘治十年安吉知州舒

城鄭昌奏安吉白糧

無錫縣供御上白米歲一千三百三十一石常用七百餘石

南京貢船

司禮監制帛二十損船五筆料船二內守脩鮮梅枇杷楊梅各四十扛或三十五扛各船八俱用水尚膳監鮮笋四十五損船八鮑魚先後各四十四扛各船七俱用水內守脩鮮橄欖等物五十五扛船六鮮笋十二扛船四木犀花十二扛船二石榴柿四十五扛船六柑橘甘蔗五十扛船一尚膳監天鵞等物二十六損船三醃菜薑等物百有三罈船七笋如上船三密煎櫻桃等物七十罈船四乾鮓魚等百三十盒船七紫蘓糕等物二百四十八罈船八木樨花煎百有五罈船四鷓鴣鴛等物十五損船二司苑局葶薺七十損船四薑種芋苗等物八十損船五苗

述鄭校錄本

薑百扛船六鮮藕六十五扛船五十樣果百四十損船六內府

供應庫香稻五十扛船六苗薑等物百五十五損船六十樣果

百十五損船五御馬監苜蓿種四十損船二共船百六十六隻

龍衣板方黃魚等船不預焉。兵部馬快船六百隻俱供進貢

上林苑

上林苑蕃育署畜養戶二千三百五十七家物牧地一千五百二十頃三十四畝鷺八千四百七十隻鴨二千六百二十四隻雞五千五百四十隻光祿寺取孳生鷺一萬八千隻鴨八千隻雞五千隻線鷄二千隻雞子十二萬。太常寺薦新奉先殿新鴈十二隻雉嫩雞各十三隻鴨子二百四十雞子二百八十。本監歲進宮鵝六十五隻鴨黃七十五隻雞黃五十隻大雌雞

十五隻鷺子九百五十鴨子二萬九千內府供應鴨子三萬
嘉蔬署栽種地一百十八頃九十九畝歲造宮菜十三萬七千
五百八十三斤又光祿寺青菜二十四萬七千八百斤芥子七
石八斗

良牧署牧戶二千四百七十六家草場地二千三百九十九頃
十三畝牛九百二十九隻牯牛九十七隻犍牛八百三十三隻
羊二千五百六十九隻綿羊二千三百九十六隻公羊二百四
十八隻母羊一百五十三隻兔猪六十六隻母猪千隻

光祿寺歲取孳生牛八百隻羊五百隻羊羔二十隻腌猪二千
口正旦冬至節肉猪千口 內府丁字庫歲收羊毛二千四十
六斤四兩

述鄭校錄本

太常寺薦新活兔八十一隻

松江布

成化間松江人以布餉貴近流聞禁庭下府司織造赭黃大紅
真紫等色龍鳳牛斗麒麟等紋工作胥隸並緣為奸一匹有費
白金百兩者孝宗在東宮深知其弊即位首罷之嘗閱內帑見
之曰此布一匹文綺十匹價也終身不一御自是遂絕松江府志
松江細布輸京十二萬三千八百六十匹有奇華亭六萬五千
一百匹有奇上海四萬二千七百二十匹有奇青浦二萬三千
四十匹有奇萬曆初加八千匹

教官考績入京

教官九年秩滿考績例入京成弘間猶然後廢不知何年

南京左侍郎

南京各部自正統後俱右侍郎成化十年倪謙為禮部左侍郎十二年錢溥為吏部左侍郎

浙東銀冶

浙東銀冶國初歲辦二千八百七十餘金永樂時至七萬七千五百五十餘金宣德時至八萬七千五百八十餘金正統間減課止三萬八千九百三十餘金景泰七年止一萬六千。六十五金天順六年三萬。四十八金成化三年二萬一千二百五十金五年減一萬二百三十七金弘治二年止一萬。八百四十一金見巡按御史暢亨疏中

大臣賜贈草職官

弘治十一年十二月丁巳大學士謝遷言臣祖榮任福建布政司都事例不封乞以已得誥命移贈上並予之天啓初太子太保吏部尚書張問達言臣父任四川眉州判官坐劾奪職臣今雖縣後冠帶不得封今乞恩命許之

閣臣賜蟒服

弘治十五年十二月乙巳始賜閣臣蟒服

兩宮三殿

永樂辛丑四月庚子三殿災正統己巳六月南京宮殿災弘治戊午十月甲戌清寧宮災正德甲戌正月庚辰乾清宮災嘉靖辛丑四月辛酉九廟災辛酉十一月辛亥萬壽宮災其年月皆已酉午戌丙丁

皇莊

慈慶宮慈寧宮乾寧宮共莊田二萬一千一百六十六頃十五畝
徵五萬五千八百十四金煤窰七十座徵百七十金果樹六千
餘株徵六十五金

教諭李璧

仁和學舍有宋高宗手書石經正德時巡按張承仁欲徙郡學
教諭李璧力爭之張曰吾徙府學非私之也何執為曰明臺為
一浙主徙之無所不可璧官仁和學知守故物他非所知也苟
從命徙是猶子孫不能為祖宗祭器尚可為之子孫乎張怒欲
撻之璧曰官可棄身不可辱也去官而移石經非典守責矣官
猶在也豈可以奪乎乃止自璧去或移之郡學杭州府志

述鄭校錄本

教職左遷

正德時龍泉教諭宜山高嵩以亡功降霍丘訓導

提學官疏薦人才屬官

正德九年吾寧祝虛齋先生萃任陝西按察副使提督學校奏
薦地方人才長安縣劉璣高陵縣呂柝蘭州段昊鄠縣王九思
藍屋縣王元凱商州高鎬華陰縣屈直鞏昌府范鏞慶陽府王
綸臣常相接其所議論規為皆非常才士子所共推尊軍民所
共敬服是皆先帝與陛下作養簡拔殆非一朝一夕之故

云又奏薦賢才如同州儒學正魏謚長安縣儒學訓導于樊
華渭南儒學訓導李應陽興平縣儒學訓導秦錡學既醇正行
尤謹嚴前提學副使朱應登推教書院功緒甚著長安縣儒學

教諭董儒三原縣儒學教諭申偉泰安縣儒學教諭江萬玉長
安縣儒學訓導胡山才德俱美卓立不群米脂縣儒學教諭蘓
文藍田縣儒學教諭劉萬祿出身雖由歲貢學行無忝科目云
云按薦地方人才薦教職今係撫按事而舊見之學憲想亦例
也正德後不復行矣檢先生遺集錄之以存餼羊

富春謠

富春謠富陽江之魚陽山之茶魚肥賣我子茶香破我家採茶
婦捕魚夫官府拷掠無完膚昊天胡不仁與地亦何辜魚胡不
生別縣茶胡不生別都富陽山何日摧富陽江何日枯山摧茶
亦死江枯魚始無於戲山難摧江難枯我民不可蘇按察僉事
朝邑韓邦奇疏載之削籍

述鄭益校錄本

省掾何麟

武宗微行自大同抵太原城門閉不入上怒遣中官逮山西
守城拒門者撫按而下皆怖布政使吏沁水何麟曰來旨未有
主名此易為耳若厚賄中官不令羅織願與俱往即上怒麟
一身不足恤也至京奏曰陛下巡幸晉陽維昔司城門者寔
臣麟一人他官無與也臣不能啟門恭迎駕輿臣罪萬死但
陛下輕宗廟社稷而遠事巡遊且易服微行無清道警蹕之詔
白龍魚服臣下何由辨焉昔漢光武夜獵至上東門守城鄧曄
拒而弗納光武以曄為守法而賞之今小臣欲守鄧曄之節而
陛下乃有不敬之誅臣恐後世以為臣之不幸不若鄧曄而
陛下寬仁之量亦遠遜光武也有旨杖六十釋之各官皆不問

沁水縣志

楊循吉

武宗南巡於北固山上見楊循吉留題因召見行在見上不能對遂罷遣歸忌者因以為伶人臧賢所薦不知此際循吉貧不能糊口其赴召也典衣為裝惡從市伶人王元美輕信筆其事于危言因而傳播天下寃哉徐文貞云 世廟初年欲起君謙聞其顛而止楊公寔顛不以伶人事也 馮元成文集 愚按正德十六年八月癸未發京師是日即杖臧賢等於午門戍邊安得從南巡薦循吉也又江寧徐子仁霖亦曰臧賢所薦是年十二月 上至南京賢死久矣流聞之謬如此

蔡鼎

述鄭校錄本

貴池蔡鼎正德辛巳進士歷雲南巡撫都察院右僉都御史訪黔國公沐崑堂設椅自中坐左右列長杌侍坐撫按蔡不耐坐沐怒命懸其杌竟立啜茗而去自嘉靖中撫按始均席

御容藏殿

嘉靖時 祖宗御容藏永孝景神二殿

勲位

嘉靖乙酉二月乙未故事朝參序爵南京元會習儀靖遠伯王瑾協同守脩居首列南和伯方壽祥不平詬斥引下之事聞得旨班序如舊戒責壽祥崇禎辛巳冬節南和伯方一元協同守脩班安遠侯柳祚昌上忿論監察御史詹士恒謂方領勅宜先之兩事適合又皆方氏祖孫惜未引前案也

白衣山人詩見夢

薛應旂嘗夜夢白衣山人誦弔朱中丞詩玄墓山堂月色明
烽烟照見闔閭城徒薪自古無思澤宿草於今有甲兵生死已
隨朝露盡是非猶逐夜烏鳴何年精衛能填海常使人間恨不
平

大司馬起復

天順後大臣俱終喪嘉靖庚戌九月起復揭陽翁萬達兵部尚
書崇禎丙子冬起復武陵楊嗣昌兵部尚書

鷹犬虫蟻歲給

嘉靖丙戌二月御史雷應龍疏曰內坊鷹犬歲給猪肉一萬六
千五百餘斤虫蟻歲供菜豆葛林五千二百餘石費財損德命

述鄭益校錄本

覈其費罷之

御馬

世宗七駿玉麟飛白玉馴碧玉驕照夜璧銀河練瑤池駿飛雲
白神宗十二駿玉獅龍赤電龍載月烏五花駿彩麟文豹金麟
絳虬攢玉駒玄雲駿踞雲驄五驄熹宗烏駝束玉帶
思宗四駿太平踰玉龍媒吉良乘璿臺駿

貢象尾

嘉靖癸丑暹羅貢白象道斃使者
以珠寶飾牙置金盤中并獻

象尾按劉向說苑魏文侯使舍人毋擇獻鵠于齊侯毋擇行道
失徒獻空籠

嘲邊

嘉靖庚戌大將軍仇鸞縱俺荅出塞書我亭障曰仇鸞免送崇禎丙子金人深入畿內粉書邊堡曰百官免送

金甌再卜

丙辰 上密書內苑撰青詞諸臣之名貯金甌中手探得嚴訥李春芳遂拜相崇禎元年 上下相亦如之得來宗道楊景辰劉鴻訓周道登李標錢龍錫

青由

嘉靖初郡縣率八月成白冊九月散青由至十一月畢稅後青由之散恒至歲終萬曆來民間并不知青由矣

泉州志

述鄭益校錄本

隆慶黃光昇作泉州志載晉江知縣張文宿貪虐之跡而萬曆杭州志文宿以本貫陳善具述其美云晉江險惡難治今兩存之俟攷

宥隨駕監生

萬曆初幸太學有監生派執壺者竟隨駕入宮被詰其人懼甚上諭令扶出

李偉

武清詹李偉徵時業坊墁既貴函封坊刀 慈聖太后嚴禁外家或子弟陳乞命進坊刀示之曰當時藉此為活今極富貴猶患不足耶 潞簡王之國微行擅殺人 太后命大璫封杖撻四十

誌惠山神文

無錫周子義萬曆己卯主北闈受邑子之賄拔置八十名周歷禮部左侍郎贈尚書謚文恪祠于慧山談修作誌慧山神文未曰祠亦安足重乎象至不仁而祠於貴陽王振悞國而祠于燕市又安訝斯祠之作耶試由常情以談祠而出於人心之公乎則可久倘祠而出於一人之私乎必不久子不見祠于前者陸羽李紳唐人也秦觀尤袤宋人也倪瓚元人也迄今享祠祀不絕彼西施庄以獻西施而作蕭庄以蕭侍郎而作通惠亭以錢仲仲而作曩時非不選勝以章得意而今安在乎

少宰被杖

江陵籍產遣太監張程同刑部侍郎丘橈等往追逮曾尚書省

述鄭公校錄本

吾王少宰篆等曾角巾青衣王直囚服乞哀中官杖之事聞於朝皆沈光祿思孝戲陸少宰光祚曰君善為之不聞少宰杖乎

緬首詭責

邊人有持平緬夷二錦入見黥撫二緬首欲求入貢撫臣遣申相國時行書欲奏聞申荅曰近時暹羅求貢持上金葉表文今第以一人持二錦來真贖未可必宜審寔而善遣之非得金葉表文不當為代奏也撫臣乃止後卒亡驗求其人則亡去久矣夷情未可輕議也

長昂射子

三衛屬夷長昂為雄年六十餘時入寇一日出帳房遙見二鹿鬐弓迭射之應弦而殞乃其二子遂稍戢

朱國祚

萬曆癸未秀水朱文恪進士第一臚傳日文恪父太醫院使東山緋衣侍班

乙未修撰朱國祚為司經局洗馬故事鼎元無任洗馬者八月克皇長子侍班尋清理貼黃靖難功臣舊署奉天征討文恪曰文皇不得已值此奈何以同姓加征討名悉改靖難

宸翰

宣城沈修撰懋學賜御書謹言行明義理六字徑四寸遵整有法嘗見之

太廟羊角燈

丁亥孟秋享太廟風猛燭滅太常寺丞讀祝高聲索燭曰製羊

述鄭公校錄本

角小燈二持照

傳帶暖耳

癸巳閏十一月十二日輔臣王錫爵請傳戴暖耳故事十一月朔傳戴暖耳百官傳衣不謝傳暖耳獨謝

喪禮儀

仁聖皇太后之喪大宗伯范謙衣白入朝至闕門忽傳各官衣青衣袍急出易衣以進次日則白紗帽烏靴成服斬衰朝夕哭臨期畢而退署衣冠皆白經帶不除二十七日後用三烏謂烏紗帽皂靴黑角帶也又逾月易青素大約百日更淺淡服色行移舊案有白紗帽白布袍布襪蒲鞋末年中官之喪浙省詔至疑所服青白竟袍迎詔

日本閔白求封

萬曆乙未三月甲戌朔庚辰日本差來小西飛彈守藤原如
安謹稟天朝兵部尚書太保石老爺臺下小的日本求封蒙老
爺天高地厚之恩擔當如此昨見四位閣下老爺禮部范老爺
俱同老爺盛心大事已就今在議封之時特將本國應封人員
開報伏乞老爺照依後開緣由施行舉國得安萬代頂德謹稟
計開 冊封勅書印信并各項儀制務求老爺苗神要好不致
貽笑朝鮮琉球海外諸國至懇至禱

一日本原國王無有舉國臣民乞封閔白自豐臣秀家以上五
員乞封大都督獨行長加世西海道永求 天朝沿海藩籬且
與朝鮮世世修好

述鄭益校錄本

一釋玄蘓封日本禪師

一豐臣家康豐臣利家豐臣秀保豐臣秀俊豐臣氏鄉豐臣輝
元平國寶豐臣隆景豐臣晴信豐臣義智以上十員乞封都督
一釋宗逸封日本一道禪師

一豐臣玄以豐臣長吉豐臣正家豐臣正成豐臣全宗豐臣調
信豐臣吉隆豐臣正信源家次平行親平末鄉以上十二員乞
封都督指揮

一平山五衛門早田四郎兵衛宅甚歲 西山久助 吉田善
吉下甲石衛門西川與郎松井久丈夫小昌久次 大瀨少吉
以上十五名勞苦三年均乞封爵再來盡應人員乞給賜督扎
付十五張亞都督扎付二十張臨時頒賞使日本大人臣俺僚

俱各叨受 天朝爵秩遵 天朝命令

二月甲辰朔壬子詔封日本國王平秀吉曰朕受天明命覆幬無私仁育遐荒有同宇下惟爾日本遠隔鯨波昔嘗受爵于先朝中乃自携於聲教爾平秀吉能統其衆慕義承風始假道于朝鮮未能具達繼歸今于闕下脩見真誠馳信使以上表章干屬籓為之代請恭順如此朕心嘉之茲特遣後軍都督府僉書署都督僉事李宗誠克正使五軍營右副將署都督僉事揚方亨克副使持節封爾為日本國主錫以冠服金印誥命凡爾國大小臣民悉聽教令共圖綏寧長為中國之藩維永奠海邦之黎庶恪遵朕命克祚天休故茲詔示俾咸知悉

勅諭平秀吉 朕恭承天命君臨萬邦豈獨久安中華將使簿

述鄭益校錄本

海內外日月照臨之地罔不樂生而後心始慊也尔日本平秀吉比稱兵于朝鮮夫朝鮮我天朝二百年恪守職貢之國也告急於朕朕是以赫然震怒出偏師以救之殺伐用張原非朕意乃爾將豐臣行義遣使藤原如安來具陳稱兵之由本為乞封天朝求朝鮮轉達而朝鮮遠隔聲教不肯為通輒爾觸冒以煩大兵既悔禍矣今退還朝鮮王京送回朝鮮王子陪臣恭具表文仍申前請經略諸臣前後為尔轉奏而爾衆復犯朝鮮以失隣好被露情寔果尔恭誠朕是以推心不疑嘉與為善因勅原差游擊沈惟敬前去金山宣諭尔衆盡數歸國特遣後軍都督僉書署都督僉事李宗誠為正使五軍營右副將左軍都督府署都督僉事揚方亨為副使持節詔封爾平秀吉為日本國王

錫以金印加以冠服陪臣以下亦各量授官職用溥恩賚仍詔告爾國人俾奉爾號令母得違越世居爾土世統爾民蓋自我祖文皇帝錫封爾國迄今再封可謂曠世之盛典矣自封以後爾其恪奉三約永肩一心以忠誠報天朝以義信睦諸國附近夷衆務加禁戢母令生事于沿海六十六島之民久事徵調離棄本業當加意撫綏使其父母妻子得相完聚是爾之所以仰体朕意而上答天心者也至於貢獻固尔恭誠但我沿海將吏唯知戰守風濤出沒玉石難分效順既堅朕豈責報一切免行俾絕後釁遵守朕命勿得有違天鑒孔殷王章有赫欽哉故諭頒賜國王紗帽一頂 金箱犀帶一條 常服羅一套 大紅織金胸背麒麟員領一件 青裕襪一件 皮弁冠服一件

述鄭益校錄本

綠貼裏一件 七旒編紗皮弁冠一頂 旒珠金事件全 玉圭一枝 袋全

五章絹地紗皮弁服一套 大紅素皮服一件 素白中單

一件 纁色素前後裳一件 纁色素蔽膝一件 玉鈎全 纁色

粧花錦綬一件 金鈎玉瑄全 紅白素大帶一圍 大紅素紵絲烏

一双 襪全 丹碧紅羅銷金夾包袱四條 紵絲二匹 黑綠花

二匹 深青素一匹 羅二匹 黑絲一匹 青素一匹 白

模綠布十匹

封日本國王平秀吉誥文 皇帝制曰聖仁廣運九天覆地載莫不尊親帝命溥將暨海隅日出罔不率俾昔我 皇祖誕育多方龜紐龍章遠錫扶桑之域貞珉大篆榮施鎮國之山嗣以海波之揚偶致風占之隔當茲盛隆宜續彝章咨尔豐臣平秀

吉崛起海邦知尊中國西馳一介之使欣慕來同北叩萬里之
閭懇求內附情既堅於恭順恩可靳于柔懷茲特封尔為日本
國王錫之誥命於戲竄賁芝函龍襲冠裳于海表風行卉服固藩
服于天朝尔其念臣職之當修恪循要束感皇恩之已渥無替
欵誠祇服綸言永遵聲教欽哉

朝鮮上書

萬曆二十四年丙申五月十八日朝鮮國王李昖書奉天朝石
太師閣下吾聞天朝之大恩封日本國王閔白寔太師之獨力
擔當運籌日本豈不欲封不意海上風霾漸盛或風或雨或晴
或陰又兼山水相衝舟不能渡但日本至釜山順水釜山至日
本逆水一朝狂風大作浪過於天故以遲延月日吾已於四月

述鄭益校錄本

十三日差陪臣哈金鎖二十餘卒探聽日本情形至二十日方
回日本國王閔白求天朝之封甚要但倭將清正詐約多端其
行長恭順之心亦有故將倭分作三班已渡二班止有清正之
倭分作一班已屯于釜山故行長正誠回奏閔白言倭衆二班
已渡止有一班迎接天使一同渡閔白亦言天使一渡海後倭
衆盡數撤歸不許遲緩有違其天使往但我禮接不周有慢天
使故于正月十五日差行長來請沈惟敬過海講說禮義以迎
天使往封其沈惟敬已至相罵島地方去日本止隔二百餘里
其閔白又見沈惟敬渡海又見天使入營故同行長將清正之
倭盡數撤回其清正不肯行長又差飛禪回奏閔白閔白大惱
將糧米盡不發去故清正問小國要地圖要穀種思屯田積艸

故吾將穀種與三十石地圖一張差陪臣永正賫至馬嶺地方
清正見吾穀種又有地圖中烏嶺有伏兵之處扼塞有養馬之
場其釜山至登萊乃深山大嶺虎穴之處兵不能進馬不能行
止有一條小路長三百餘里有七十二灣土兵能進不能出故
懼我不敢犯又聞天師于四月初三日夜逃出釜山不知何意
但日本且有恭順之心於天朝而天朝友無撫恤之心於日本
釜山恬然乃是大人威震我已遺書與閔白天朝差冊使出釜
山一年有餘爾國如何不差使臣迎請閔白亦荅云但封我甚
要只待風息館舍有備不日即迎請矣日本情形如此特差小
卒尤禹賫覽以便施行伏祈照鑒不宣

王守仁誣楚府寄物

述鄭益校錄本

萬曆二十四年九月二十五日湖廣巡按御史趙文炳奏都察
院勘扎准本部題覆留守後衛所掌印百戶王守仁奏稱太叔
祖王弼誥勅符券甲冑器仗金銀珍寶衣飾器皿各造文冊一
本陝西庄田場厰文冊八十六本俱承奉錢保領回楚府寄庫
奉 旨這所奏事情差諛部查明具奏欽此欽遵該本部看得
守仁所奏事情伏候命不容臣等脩行湖廣撫按官員差令長
史司啟王根究原委王弼長女是否禎王元妃王鑰男瑁是否
王妃撫養寄庫財寶果有若干合用典籍有無見在事在先王
非係侵占無妨從寔檢奏蓋聖主明見萬里自有睿斷非臣等
所敢輕議等因奉聖旨已有旨了欽此又准本部咨為恭進家
財成冊上徹御覽以便差官查取事亦該留守王守仁同弟定

遠戾嫡孫應襲王錦襲奏前事并稱楚府承奉錢保領奉兵部鳳字一千六百三十八號勘合損運回府開造略節摠冊一樣三本將一本進覽一本送鳳陽府收貯一本給應襲王瑁日後龍衣爵收照以備查考數目奉 聖旨這本內事情着司禮監選差公正內官一員帶領原奏官王守仁即便前去會同該撫按官令長史逐一對查明白從寔回奏欽此欽遵備移到臣准此案照臣先於閏八月二十日接得前報恐有疎虞不待部檄到即會撫臣李得陽牌行布按都三司及守巡二道遣官軍於楚府各門晝夜嚴行防守出府員役搜檢於行不許夾帶一物及將緊關人犯郭倫等行長史拘禁候勘并曉諭居民不許窩隱受寄外於九月六日該司禮監太監孫舉錦衣衛指揮莊德福

述鄭鈺校錄本

捧勅前來臣即會同太監孫舉指揮僉事莊德福巡撫李德陽督同司道等官左布政陳洙右叅政陳璧副使張季思叅議丁繼嗣武昌知府劉以煥江夏知縣葉鳳翔等迎進楚府開讀畢將錦衣百戶鄒質魯管押奏發原奏百戶王守仁同王錦襲并令楚府長史董學禮龐尚童帶全承奉郭倫等面啟楚王請合同冊籍對冊本王執出玉牒并諭本府原無禎王正祖昭王元配王氏係王弼女洪武十二年正月初四日冊封為妃洪武三十年初五日薨王弼于洪武二十七年生叛臣藍玉党國除今王守仁奏稱弼男王鑰於永樂十四年身故遺男王瑁扶貲就祖姑妃撫養維昔祖妃已薨二十餘年誰為收養最後王氏子孫因無依來府先王閔念親戚相依至今尚有子孫王子孝王

國王國忠等在楚居住其王守仁錦囊不知何代人氏並非本府收養之人亦原無合同典籍本府自來並無承奉錢保等情臣等隨帶郭倫等至長史司再三鞫審執稱二百年来並不知寄有前項金寶臣等又進王府啟王查取前物王諭本府兩遭回祿後宮丘墟並無庫藏王守仁所奏盡屬欺妄予現居東首書院引臣等齊進將本府財物盡數盤出臣等眼同將王守仁所奏原冊查對並無一物相同當即登記封本府收貯時聞宮眷悲號臣等各散次早復同太監孫舉指揮莊德福再進本府令奏御長史等官啟王查取王諭本府財物自嘉靖二十四年祖愍王宮變予父恭王年才四歲叔祖武岡王顯槐攝國時有通山王英吹與槐訂奏欽依着湖廣撫按三司等官逐一查明

述鄭益校錄本

寔止得銀十九萬六千四百四十兩銀器四千六百九十五兩金器二百六十兩五錢彼時並未盤有王弼寄頓金寶等物至隆慶五年余父薨予在襁褓武岡王復拜前銀費用無存祖母愍王氏奏奉欽依道院查盤銀兩委係武岡王盤出今予長成自行取討卷案可查余自十歲受封武岡王薨長子英燭相繼物故前銀未得分毫且嘉靖年間至 罷奏並未稱有前項金寶等件卷案現存其陝西庄田乃洪武二十一年十一月十八日奉 太祖高皇帝聖旨你征雲南阿魯禿等處建大功特賜秦馬三十四匹黃牛二千頭犂牛一千頭羊九千隻并陝西西安州喇都草場一處牧羊世守欽此節蒙永樂宣德正統景泰天順成化各年以來借用駱駝馬匹屢降勅書前十五道現存可

証至萬曆九年奏經戶部議覆本府照舊管業並未奏有子粒
官收貯庫候王氏子孫襲爵給領明旨予官所有已盡無遺如
以余言欺誑余願帶同宮眷避出外宮聽憑欽差并撫按會全
進宮通行搜掘等情并具揭送臣等本王隨出宫外聽搜臣等
念未奉旨不敢擅入當即勸王回宮該臣等看得王守仁所奏
冊內財物額數一萬率皆人世罕有奇寶今據所盤銀兩器皿
不過近世常物僅與數千似與所奏大相矛盾將以為隱匿則
本王且請搜掘矣臣等伏惟楚王 皇上之親屬也素稱守禮
奉法未聞過舉一旦以二百年前無稽之事被奏已經防其門
戶拘其侍從盤其積貲宮眷驚惶相對啼哭在臣等奉命恪職
不得不爾然於楚王國體亦大辱矣若再令避宮出搜掘母乃

述鄭公校錄本

非 皇上親睦之意乎况其兩經回祿一遭宮變相繼幼孤迭
更揖國即使盡力搜掘王弼遺貲諒無可得之理而情迫勢窮
萬有一意外之變所不忍言者則臣等不能任事罪固難逃而
於國家體統所損非渺小矣伏讀 明旨仰見 聖心原為閔
念功臣之後故有此查今攷之徃牒與守仁所奏有大謬不然
者如昭王元妃本薨于三十年也而曰永樂十四年本妃奏取
王瑁撫養王弼于洪武二十七年坐叛臣藍玉党不食死而除
封也而云弼男王鑰承襲于永樂十四年病故陝西庄田奉
太祖高皇帝欽賜萬曆九年又經戶部題覆奉 皇上明旨給
與諒府照舊管業也而曰子粒官收貯庫候王氏子孫襲爵給
領此皆載之典籍昭然易見者尚敢虛捏王守仁錦囊果否王

弼子孫猶未可知况于所奏財物又何足憑哉容臣等會議明白另奏外惟是楚王請避外宅搜掘宮中臣等未敢擅便伏候聖裁

東宮冊婚

辛丑 東宮金冊用足色金十五兩八成金三千九百八十五兩七成金一千七百五十兩

東宮大婚費八十萬有奇冠三百副耳索珠至百二十二萬金翠十八萬有奇

福王婚費二十萬有奇

取括子松

萬曆十年工部咨南京兵部取壽宮括子松樹九百一十八株

述鄭益校錄本

坐派蕪杭松江各撫按專委府佐貳官總理採辦完日遣官押解帶園丁沿途澆灌仍咨本部發馬快船裝載

川扇

乙未四月七日文書房傳旨着四川布政司照進到年例扇柄內欽降花樣彩畫面各樣龍鳳扇八百一十柄內金釘鉸彩畫面渾貼雕邊骨龍鳳舟船扇十五柄壽比南山福如東海扇十五柄四陽捧壽福祿扇十五柄百子扇十五柄群仙捧壽扇十五柄松竹梅結壽福祿扇十五柄七夕銀河會扇十五柄菊花兔兒扇十五柄天師降五毒扇十五柄四獸朝麒麟扇十五柄孔雀牡丹扇十五柄蒼松皓月扇十五柄菊花仙子扇十五柄閒花扇十五柄滿地嬌翎毛扇十五柄金菊對芙蓉扇十五柄

錦帳花木猫兒扇十五柄人物故事扇十五柄四季花扇十五柄茶梅花草虫扇十五柄聚番扇十五柄白澤五毒扇十五柄盆景五毒扇十五柄八蠻進寶扇十五柄百鳥朝鳳扇十五柄盤桃捧壽扇十五柄以上三十三樣俱金釘鈔彩畫面渾貼雕邊骨每樣漆造四十五柄共六千柄每年為例其餘年例的今年二月傳添造的八千八百柄俱照樣數每年如法精緻赤金造進禮部知道

王文肅晚召

丁未復召太倉王相國錫爵王即家疏規時政刺切言路蓋華亭陳繼儒代草者陳過示王吏部士騏吏部還郵之言路諸公競謂其沮抑群抵之太倉遂不赴

述鄭益校錄本

梁鵬

萬曆中順德梁鵬知崇安縣題堂柱曰庫無耗頭里無私派舖無當行望鄉耆訪聞相告吏怕沉案差怕索錢民怕健訟期子姓敏德還淳陞戶部主事

閣臣避道

冢宰平湖陸光祚富平孫丕揚俱不避閣臣輿見忤張新建位遂訐富平後富平再起避福清葉少師又不可解矣駙馬都尉楊春元並道福清貽鮑祠即書曰都尉不避之說必以會典為言不知今之禮部俱不依會典只照見行事例耳會典所言概舉公候駙馬而公侯在前今試問諸公侯有一人不避閣臣者耶若盡依會典則豈但公侯即六卿長貳皆不當避矣古之宰

相禮絕百寮今之閣臣猶虛被此名故自僕入都文武大小並未見有塗過直突而過者即駙馬亦有數人何猶獨揚君不避耶

安南上書

安南人某失風於浙見拘上書曰臣聞均履載者天道也普仁恕者王道也何地非王土何人非王民臣本安南身非叛逆世受國制迄奉我主差往葛王省墓忽遇風作扁舟幾覆幸漂流至此臣等忻忻相告人人得觀光上國矣正喜懼交接天兵四圍俛首受縛今縲紲我羈縻我以夷論我亦何以柔遠人也游魚思故淵飛鳥思故林人情寧有不同者如 皇帝以夷論我則槩郡縣何非王之土地也概蒼生莫非王之人民也我何獨

述鄭益校錄本

外于清朝使我父母妻子骨肉不相見也喪身異地不亦憐乎乞 皇帝早賜杯水用甦涸轍大開惻隱俛示指南臣等不勝忻躍惶悚之至

戲賞

內臣有進小兒風車之戲直不一錢 上喜其颺轉賞千金群閹艷之募製銀舟注酒帆舉机捩巧絕費百金 上善之而向之戲車狎久生厭即賞進銀舟者其人大失望司禮太監田義柄篆當 上心嘗跨馬命義捺筆而從既弛勒義求犒予之千金一日命義跨馬 上自捺筆從之事訖亦索犒義知其指大有所餽

荒慘

萬曆丁巳戊午山東游飢人相食萊州市人肉慘不忍述有中
州人兄弟並無子來買妾或以姑嫂欺之夜宿兄得其姑以試
扑姑曰爾弟為我嫂釜中羹矣兄未信揭示炕下之首賊而走
訖縣官抵嫂罪携姑以行
崇禎庚辰秋山東河南山西畿南人食木皮至冬人相食辛巳
江南北皆競棄子女售器具流殍塞路少婦不真千錢市餅餌
輒袖之否則見奪斗米三錢杭州諸生某家三四人度不支質
米肉雜以砒霜啖訖俱死

八品官貶封

八品官例不貶封萬曆末行人司行人吳伯玉請比五經博士
例追封其母有旨止予章服著為令

述鄭益校錄本

分党

萬曆末朝士分党競立門戶有東林之党無錫憲成高攀龍金
壇于玉立等廢居講學立東林書院始而常鎮人附之有崑山
之党則顧天峻及湘潭李騰芳蘓人附之有四明之党則沈一
貫浙人附之有宣城之党則湯賓尹而寧國太平人附之有江
右之党則鄒元標有閩中之党則馮從吾各同省人附之馮嘗
督學山西則山陝合馮鄒又講學相善又江右山陝合也閩楚
粵蜀遠不具論庚戌大計專右淮撫李三才庇東林而諸党左
矣時攷東林俱見罪四明至楚粵無一人臺省者天啟初東林
獨盛起鄒元標而江右亦東林也江夏熊廷弼原江右籍楚亦
東林也福清葉向高歸德侯執躬秉權趨風天下咸奔走焉仕

塗捷徑非東林不靈波及諸生如復社幾社不一而足家馳人驚恐漢末標榜不是過也

熊廷弼王化貞

葉相國向高於萬曆癸丑主禮闈錄王化貞其撫遼也沾沾自喜適福清再召馳書勸駕謂大功指日待入朝為封拜地福清又夢如之故入朝專右王貞及事敗同熊廷弼論死

魏忠賢

魏忠賢少飲博無賴觸忿自閹猶為人行汲容某奇其貌資直東宮後柄用容避去其名姓無傳焉萬曆時宮祿不恒給皇孫苦之諸閹戲曰陛下萬歲殿下亦萬歲吾輩待小官家登極鴻恩有河清耳而忠賢獨恭敬時進飲啖中其欲及

述鄭益校錄本

上即位寵任倒柄勢焰薰灼外廷諂附寔繁有徒媒孽中宮則劉志選楊夢環羅織善類則曹欽程吳淳夫田吉許志吉田爾耕許顯純崔應元張體乾孫雲雀楊寰谷應選魏廣微之首附盧承欽之刊党籍潘汝楨之倡祠李承祚之進封其頌美百置薛鳳翔四十七疏郭允厚四十疏周應秋三十九疏餘不勝數也聞人某善占字忠賢召之書有字對曰一人之上萬人之下問其故曰有字上半天也下為日月君臣之象今月食日幸肩半天否則無天矣又書囚字某心知其謬詭曰國內幸賴斯人如無斯人國且空矣忠賢色喜某旋遁

悞羅党籍

有錄東林姓氏於魏忠賢遂因事羅織嘉興陳應元與焉金陵

陳應元以名氏同併罷

幸脫党籍

天啟末陝西巡按莊祖謙遣奏差有媚祠之請奏差至京聞上疾甚意魏闖未可測疏不即上後忠賢敗免議湖廣巡撫慈谿姚宗文亦遣奏差疏竟上預党落職按漢竇憲納妻郡國皆有禮慶漢中郡當遣吏戶曹李邵言竇氏專權驕恣危亡可翹足而待願勿與交通太守固遣之印請自行遂所在遲留至扶風而憲就執陝西奏差暗與邵合矣

火逼尚書

總督倉場侍郎薛貞以草場救焚頌魏忠賢遷刑部尚書時稱火逼尚書在刑部誣揚州知府劉鐸死之崇禎初追論貞死於

述鄭益校錄本

本堂桂三十雖貞不足惜時謂其失體

劉詔耿如杞互誚

薊鎮祠魏忠賢參政耿如杞不跪謁懼譴求巡撫劉詔劾罷初非劉意也忠賢重論下法司崇禎初詔總督薊遼以乾沒軍料下獄如杞笑曰老生何亦來比如杞釋後歷官巡撫大同已巳勤兵入援同摠兵張鴻功潰於良鄉被糾下獄詔又笑曰老先生何又來此

孫尚書寒窓故人

武進孫文介宗伯慎行持行清峻門生某來為巡臺留飯五簋巡臺欲起公曰少需之有憲寒窓故人相見巡臺意密客坐埃之屢求面已設菽乳指曰此吾寒窓故人也

周維持

璫熾時御史金壇周維持楹帖聖朝多樂事天意喜從人

鳳見

天啟二年禹州守莫 報鳳凰見於大隗山高可七尺事聞
受賀嘗問汝州人張彥清云是冬身其地則徽府太和王之莊
雨電鳥雀凍墜無竿訛以為鳳

滕陽驛詩

天啟初壽州御史方震孺被逮題滕陽驛壁品兕一月纔三月
懷裡呱呱別乃翁若使長成能問父阿兄向北指悲風丙寅江
陰御史李應昇亦被逮過之題曰君憐幼子呱呱泣我為高堂
步步思最是臨風淒切處壁間俱是斷腸詩崇禎戊辰武進鄒

述鄭益校錄本

嘉生復官備兵海上南還飯滕陽見壁間方氏新題宛然而仲
達詩湮去久矣因系以詩荒庭樹禿慘霜碑有客巡簷泪獨垂
碧血已酬忠孝志紗籠猶見死生岐六歌兒女情偏至十族君
臣義不移豈為姓名甘鼎鑊千秋巡遠自心知又亡何鄉人和
詩一行已遣泪為碑遺句何須粉壁垂好惡自從平旦合是非
偏向偶曹岐生驚市虎魂猶碎死快騎鯨性不移輦上若留男
子氣寸心應許夜臺知 題壁何知峴首碑泪痕今日尚雙垂
忠良各抱心猶石生死何妨路見岐明月有情窺戶入殘膏無
焰帶燈移舊時遺筆無尋處化作風雷未可知辛未仲夏鄒嘉
生被上谷之命重想此館詩存名去旁有和詩二首名雖不留
其人固可想見也續題曰不為孤忠寄口碑壁詩何幸教行垂

三朝日月懸天上一念玄黃判路岐客路似名驚易去人心如
官掘難移荒郊控馬重題句佚簡還留野乘知按亡何鄉人即
武進張二無先生璋

孫相國行邊

孫愷陽相國承宗行邊見城堡殘破輒罵熊經略王巡撫棄師
之罪謂不能力守驅生靈數十萬死亂兵之下盡焚官私廬舍
不顧其後也雖上疏請宥二人寔非其意

陳明卿慰下獄

周夢洲順昌周季候宗建等下獄陳明卿慰之曰人生事業閉
戶第一閉戶事業獄中第一公等莫如著易慎勿挫過

暹羅貢表

述鄭公校錄本

天啟丙寅二月廣東市舶提舉司唐允中報懷遠驛暹羅入貢
金葉表曰暹羅國王森烈帕臘照采倫帕臘陸悃西啞卒贊鴉
普族誠惶誠恐稽首頓首謹驛書奏啟 大明皇帝陛下伏以
聖明新登寶位萬國胥慶微臣謹差使臣坤皮叭具沙等捧賚
金葉表文方物詣闕慶賀外欽奉勅諭厚賜回還開讀拜受恭
詢 聖躬祚社國治政平舞山呼無任懽懽追思世沐恩寵
自古及今地隔天涯心馳帝闕雖華夷兩地寔同一國之忠也
茲當貢期謹差正貢使臣卽勃查緝副貢使臣坤加雖顏那捺
邁依釐臣乃寔填朴里辦事臣乃統納通事臣曹漢等乘船一
隻捧賚金葉表文裝載方物譯書用羅字五號勘合從廣東送
詣闕下貢獻恭候萬福伏乞 聖鑒微衷用伸臣子之賤庶存

懷遠之義并祈往來不斷使獲帡幪永久事竣乞早遣使回歸
臣無任瞻天仰聖激切屏營之至謹具表以聞并開進 皇帝
上品龍涎香一斤西洋遮那密段四端采色烏地雙面花幔二
條采色藍地研光雙面花幔二條采色花地柳條雙面幔二條
采色花地烏文研光雙面幔二條采色柳紅暗地花雙面幔二
條西洋紅地繡金錦氈帕二條象牙三百斤大小十一根胡椒
三百斤藤黃三百斤速香三百斤降香三百斤白荳蔻三百斤
大楓子三百斤烏木三百斤蘓木三千斤進 皇后上品龍涎
香八兩西洋遮那密段二端采色紅地雙面花幔二條采色雙面
暗花幔二條采色金身花幔二條象牙一百五十斤共六根胡
椒一百五十斤藤黃速香降香白荳蔻大楓子烏木各一百五

述鄭益校錄本

十斤

按暹羅萬曆三十八年四十五年並入貢天啟元年入賀

安南

五月六日安南入貢補萬曆四十五年金香爐花瓶四副共重
二百零九兩銀盤十六共重六百九十一兩沉香六十斤速香
一百四十八斤降真香三十根白木香五十件黑綿香八千株
白色土絹二百匹犀角十二座象牙十二枝隨從二十一員陪
臣三員阮進用杜克敬阮自強通事一員阮曰仁行人四員黃
文通范世和阮光啟阮世閔從人十三名補貢方物並如前隨
從二十一名陪臣三員陳璋裴必勝阮瀨通事一員阮程行人
四員黃茂才鄭棫阮仁通阮智能從人十三名

三王之國

瑞王桂王惠王之國辭陵故事親王必肩土三擔培陵皆瑞惠相觸而詔桂王解之就封所經郡縣上供王及妃日各肉八千斤次妃及長子各六十斤餘妾及諸子各四十斤桂王阻風儀真審理嘉興沈德先入其舟見座設青布褥內豎云宮中皆然凡袴皆布也親王亦如之並祖制

主簿寃縊

天啟丙寅八月嚴州主簿 於布政司領漆料千金為孝廉某某居間瓜分并雜費寃領三百餘金度必自累遂縊死杭城海會寺中猶胸抱寃狀首列方伯康新民折兌百金事聞當道以礙方伯不行

述鄭益校錄本

許志吉

歙縣許志吉故相文穆國之孫廕歷大理寺 寺副時籍富人吳養春家奉旨召買黃山遣工部主事呂下問煩苛激變志吉自請往駐郡臺有司伏謁通判姜三極名叱之羅織巨室不避戚黨徽人切齒已事敗即詢訊歙令葉高標繩之前為伏謁者志吉因服跽高標故下堂揖志吉曰老先生何至此每訊一事輒受朴人以為快竟論死初志吉被黃山之命其夕文穆墓坊自倒

登極天鳴

思宗皇帝登極日諸臣方呼拜忽天鳴竊心異之吳忠節麟徵云戊辰首科

崇禎戊辰之首科左春坊左庶子周鳳翔翰林院簡討汪偉戶科都給事中吳甘來河南道監察御史王章兵部車駕司主事金鉉俱甲申殉難又兵部右侍郎劉之綸少詹事徐沂通政司使李夢辰翰林院編修胡守恒行人楊于楷山東按察僉事保定推官李猷明遵化知縣徐澤俱先後死事

東宮不利

帝王登極後中宮生子帝乙之紂宋文帝之劬並凶終我朝孝宗之有 武帝幾至覆國及 思宗元子生日者俱謂其支干不利

問難

上初即位好問難如三物六德六行等儒臣猝不能對後稍厭

述鄭絅校錄本

薄之不復瑣瑣

治進香內臣

上內坐聞香慾動偶語閣臣歎曰 皇兄受誤多矣戒香不復進

逆案

逆案分創祠稱頌贊道繇冢宰長垣王永光亡何搃憲曹于汴給諫許譽卿摘冢宰陰附忠賢罷其預議改命司寇喬應甲時秉成於閣部而太史姚希孟寔陰主之以得蒲州意也故蕪人無一玷者

徵盜

壬申先是秦盜跳豫晉間太倉吳駿公嘗與同年衛胤文論時事其人閩中人也忽嘆曰事非出常奈何吾閩中有人矣問其

姓曰李時不省所謂异迄今思之果驗

偽巡臺

癸酉十月八日大名之長垣縣忽報按臺私行在北閨店杜龍家典史倪時俊逆之公館時開州同知喻傳頭署縣事求示勅印頗張皇失借因收訊則滑縣齊文舉也年二十一策蹇專脅邏者後奏上寘罪

五經登第

洪武二十二年福建長樂縣黃文史廷寔應貢庚午試南京五經題並作以違式取旨太祖讀其天下一家論大見稱異御披特置第一免會試授工部主事言事降撫州推官字民以思而待屬過嚴陷調漳州衛卒

述鄭坐校錄本

崇禎甲戌會試龍溪顏茂猷五經題並作分考官陳仁錫出闈特奏奏上許其廷對第進士程錄另列其名於諸貢士前茂猷鄉舉在天啟甲子亦全經推官山陰祁彪佳异之言于主司獲薦巡按御史為特奏一時傳異後人效之崇禎丙子萬年揭重熙魁順天江西張燮羅大猷已邗山東萊陽宗瑚癸未進士嘉興譚貞良慈谿馮元飈丁丑南昌程元極五經乙榜求倣顏茂猷例特拔不許庚辰宗貢朱統欽以五經義求破格亦不許

館選

甲戌罷庶吉士乙亥選推官知縣入詞林丁丑專舉有司限甲科七人乙科四人貢三人嘉善錢塞菴相國曰自外吏入館止

論足賦不問文學月課庸拙謔字雜出矣

南場閏節

兵部主事丹陽賀王盛劾烏程溫相國

體仁

庇其鄉人考官左

庶子丁進摘南場黃美中論表奢閭嫖刀青山綠樹為閏節輔
臣委部科挾所出尚書李康先苦搜覆上忤旨去荀子俛詩問
嫖子奢莫之媒也嫖母刀父是之喜也又荀卿與春申君書復
賦問妹子奢莫知媒兮嫖母求之又甚喜之兮青山綠樹見朱
元晦心學詩

宸翰

戊寅六月御書楹帖賜揚州監漕太監揚顯名陌上堯樽傾北
斗樓前舜樂動南薰

私第

臺上清霜凌草木軍中殺氣動旌旂

公署每對用壘六顆遣官馳賜

述鄭公校錄本

己卯九月宴樞輔楊嗣昌於文華殿坐

上手觴者三袖出

詩賜之益梅今暫作干城大將威嚴細柳營一掃寇氛從此靖
還朝教養遂民生

輔臣不給驛

己卯遂安方相國

逢年

召對不稱旨自免賜三十金不給驛

陳啟新

淮安陳啟新故書佐嘗一舉武科頗諳繪事游燕善大璫曹化
淳等丙子上書特拜吏科給事中寔無他才首蒙破格入省以
後唯阿觀望淮撫朱大典榜其門海內一人癸未宅憂或追論
其陰事下法司啟新走免不知所終啟新嘗奉使過南京時大

司馬李邦華示禁某地內云如此室礙難通矣啟新讀室礙為
室礙及入京上言近京陵脉窰戶坎傷引李所示為據李疏辨
時大笑之

御膳

上儉約御膳日費三百金

內閣秉燭

文淵閣內五楹中居元輔餘以次寓直如元輔罷次輔當代必
旨有元輔字始遷坐閣員至六七人則割室中畫蓋牖不北晝
亦秉燭故事午門前日照紅牌輔臣趨入閣入輒報報畢始發
章奏

堂饌折價

述鄭公校錄本

輔臣會饌出光祿寺自宜興周相國延儒移庖始折價烏程移
庖菲甚雖細節以上偵之也

科抄

紅本下科發抄萬曆中疏多留內不付閣故先行科抄崇禎時
禁之

何相國市德

香山何象岡吾驕次輔日直票擬時泄之親故而 上嘗改擬
則曰某某為之或 上自改也烏程悉其狀語何曰貴役不宜
引入禁地何諱之烏程曰貴役傳迹多矣自是稍戢

烏程長洲之隙

長洲文湛持相國震孟故善香山香山先相不諳典故烏程輒

改所票不以示也長洲積譽入相禮之加等長洲語人曰人多短烏程乃謙抑如此初召對問陝督洪承疇何如嘉善錢相國曰承疇臣同年也任事勞苦以其所長若戡定或非其才上作色曰人俱說他好香山因力稱之長洲言操江都御史之短意欲薦其姻福建右轄申紹芳也以語德州謝太宰陞謝曰果用申青門老先生當稱治生蓋蘓松常鎮為下江長洲謝曰敏既推申河南左轄未赴意覬齊撫太宰糾之申逮戍工科都給事中許譽卿資深祿淺推南京太常寺少卿長洲囑香山票旨用人何論南北上責改擬會太宰引疾勉留長洲語太宰曰欲成老先生高尚奈許霞城相誣意蓋脅之太宰知其指曰我大臣出處乃操自庶僚耶因糾譽卿而長洲欲右之烏程曰太

述鄭坐校錄本

宰泰之力長洲求罰俸烏程曰安有太宰所參僅罰俸者長洲作色而去遂擬降級上不許烏程擬削籍晚坐會閱長洲艱然曰削籍未嘗不好其所票其項錢粮疏烏程勸改擬長洲勉應之改訖擲筆四坐駭矚烏程翼朝揭奏曰朝廷所以臨下賞罰而已若所云科道削籍科道之榮是賞不足勸罰不足懲以股肱心膂之臣而為此蔑禮悖常之語臣寔不知其解也上怒并罷香山長洲

袁崇煥

袁崇煥備兵寧遠值樞相孫承宗於榆關孫方被論乞骸崇煥曰相公果欲去某願捐三千金助彈文孫笑曰若然幸為籍重第不肖去後經略必喻使君安性而足下代其巡撫喻亦不久

又足下經畧矣未知巡撫又何人崇煥曰有劉詔後俱如孫所料而崇煥輕脫可見嘗於演武場較閱忽自起舞防牌中蹶已已四月崇煥遣把總吳某千總陳某使建州以故遼人方君達來報二十四日陰謀款索通賞且佯輸彼情約殺島帥毛文龍許之又告飢遂令都司蔣文舉開糶于高臺堡名賑熟夷也邊儲始竭尋用都司吳先計犒軍矯殺文龍

庚午十一月籍沒袁崇煥家妻阮氏女三歲六歲從子兆晰使女四人蒼頭八人婢三人書籍財物十六笥槍二馬俱解京

鄭鄴

庶常武進鄭鄴大學士吳宗達之甥時天啟中建言蔑視其舅吳罷相抵舍是日鄴儼裝北上補官不一晤吳恚甚揭其短于

述鄭公校錄本

烏程未發也文起入相以同年薦之烏程曰詞林自有故事

萬曆己丑庶蔣恬庵

孟育

終養及起家猶同後輩課館且欲外

轉周礪齋

汝礪

謂以齒夙得留今鄭庶常不得違例也文起曰

鄭嘗建言與蔣恬庵不同亡

嘉善錢相國士升

及唐總憲

世濟各懇烏程許其題補一日文起語烏程曰老先生不用鄭庶

常彼善作文者烏程意沮會許譽卿事敗文起忿曰一霞城敗行有繼霞城起者烏程聞之草揭示嘉善同僉名時緇川張至發在直不之及嘉善曰既不能薦而又賣之人其謂我何烏程獨上立下鄴獄論殊死烏程初無意陷鄭鄴讞由吳氏而文起激之也

萬仞宮牆

維縣張四知相國里門題萬仞宮牆時人嗤之

稅監

文文起入相數日撤稅監自 上獨斷長洲掠其德已文選即
呂大器奏臣前止稅監今蒙採納閣臣見之謂選即賈譽長洲
曰此好事何難認也

詞林題補

詞林在籍先注官後赴南海陳子壯以 家居遽入京烏程
异之烏程雖陰忤練習朝典人不能詒而 上苛嚴細故票擬
改至再四不允同列遲疑烏程徐曰或疏末失填小日耳按之
果然雖失填小日 上終不自明必閣臣發之

周延儒

述鄭益校錄本

宜興入相恃才輒午睡足徐起閱章奏應手票旨時閣臣善於
啟事稱武進宜興 何如寤

吏部擬各官罰俸幾月兵工部擬各官吏賞幾十幾兩俱閣臣
填數烏程獨不填聽 上裁定不市恩怨 上益任之

宜興先論罷以嘗言朝廷為義皇上人因力辦引去及再相或
言 聖性嚴馭宜興笑曰 上易與也何過慮為蓋宜興潛通
官府得其閔揆故有義皇上人之說晚益贖貨文武大臣賜謚
擬旨還與他謚嘗誇曰吾筆底一字千金蓋八賂四千金也

六曹章奏

六曹章奏係科臣賤掌參馭近虛文塞責於大事多略

磨碑

山西碧雲寺魏忠賢重修天啟三年少師福清葉向高撰記禮部尚書會稽錢象坤篆額今磨碑去錢象坤名氏意作相時事也福清記中頗稱許魏氏

內臣帶

內臣帶止犀玉無金銀花素之別崇禎辛巳始依品自花銀以至素銀衣自斗牛飛魚以至各色異獸

揭長安門

己卯庚辰間或揭長安門曰督撫連車載京堂上斗量好官昏夜考美闕袖中商

泄旨罷相

巴縣王相國應熊被論命未下遣探閣旨遽疏辦上詰其繇

述鄭益校錄本

於是中書舍人劉天錫等以泄旨伏罪相國坐免

朱萬年

萊州守朱萬年力拒叛兵不遺餘策以登撫謝璉主招降脅之出城遇害是日婦生子人皆哀其烈而幸其嗣也

祐聖觀開勅

庚辰閏正月先是山東巡撫上虞李懋芳憂去顏繼祖代鎮論其侵牟坐逮懋芳在道緹騎先侯於杭州議開勅于藩司右轄黃鳴俊曰某宦河南駕帖開自臬司重在刑名也二司互執意開讀祐聖觀

過周謀

是月仙居知縣過周謀以通賂長安事露被逮夜宿杭州菩提

寺仰藥死寒士叨一第寄百里之命欲速化梯進身且不保孤
燈冷壁婦孺長隔亦足戒矣

生日移賀

思廟萬曆庚戌十二月二十五日生適嫡母 孝和貞皇后忌
日也崇禎元年萬壽節免賀明年屆期輔臣知其指請移二十
四日從之按庚戌十二月甲午立春故景命之辰作辛亥節氣
金太史宗 晟 本七月七日以同皇考忌日改用十七日

鄭以偉

上饒鄭相國邃以經術第不諳吏事票擬間用古字往往失裁
宜興時規之終不解也臨票矜持教四塗易蕪才之難如此嘗
命改票票僉例繳進悞毀之被詰先以禮部尚書協理詹事府

述鄭公校錄本

刺其詩文曰藝苑張仲師喻短也張仲師長尺二寸見論衡嗣
刺山上山稿蓋古詩復有山上山離合文出字也自為序又作
隱語詩曰自笑此來懷口口從前一誤是山山惟貪幾度百姓
眼何補相聯兩月灣又刺畫壺集画壺者小兒所吹不按腔調
又刺杜吟杜之為言薄也

貢士騎射

己卯始命巡按御史同鄉試主司閱貢士騎射具文耳後終不
行

鹺司新例

轉運積輕夷于郡守如吾浙按察司水利道宴客則鹺司辦具
沿為故事壬申轉運使楊湛然草之已奉勅禮同藩臬勅至日

藩臬不往方伯猶狃舊不下堂楊勉隨郡守之右閩中張繼孟自御史左遷始得亞二司已卯鄉試錄序列都轉運司右叅政張繼孟及太監崔璘至繼孟仍以詘膝二司則否

黃道周

黃石齋先生在詞林凡題講官經筵官纂修官及東宮講官或資俸在其前後皆用獨遺黃蓋輔臣惧其近上敷奏也最後推東宮講官又不之及項煜楊廷麟俱相讓輔臣以道周所陳臣不如鄭鄴為解曰君子一言以為智一言以為不智廷麟折之曰孔子聖人也自謂辭命不如宰予管仲賢人也自謂不如開方天下後世未聞孔子以此貶聖管仲以此損賢云云丁丑華亭陳子龍出右中允黃先生門布素請謁先生曰僕本

述鄭坐校錄本

寒儉布素宜也若世閱常服羅綺改而布素又失常矣正不必也先生生事放婦子龍迎高郵舟中袖出五十金先生擲之曰吾窮宦奈何驟汗哉

包長明說

黃先生送吳駿公祭酒之南京以本鄉涂監生託之不言其名吳抵任聞石齋廷杖下獄因閱籍則監生涂仲吉果閩人也召問遣之北行遺二十金為橐饘仲吉竟自疏救併不獄拷供七人主使楊廷麟王維等幸不及吳祭酒

張春

庚辰三月永平道叅政同州張春出閔陷穹廬中悞聞殉難贈都察院右副都御史居亡何春從塞外求款始追削春妾氏年二十一自經官舍春媿其妾多矣蓋洪承疇之前矛也按宋

高陽閔都副都部署王繼忠降契丹授戶部使繼忠言南北通
好之利契丹主然之後遺邊臣書張春風斯下矣

詞林之壞

嘉善錢相國塞庵曰自來坊局與政府相通問邀坊局等咨訪
時務人才因驗其人之賢否崇禎間詞林輒趨臺省乘利窺門
反攻中堂而與政府隔矣上者徵逐詩酒略於典故一旦臨事
遂無其料吾待罪政府見士大夫朝房非上書求溫旨則代人
懇政多遷除之事並無陳大議效奇策雖開平津之閣何益此
國家所以大壞也

詔勅體貴簡重冠冕天啟間忽叙門閥尚織綉綸命褻矣倪鴻
寶好琢麗競於雕虫王覺斯專做大誥浮靡不切許石門輩儲

述鄭鈺校錄本

蓄既薄趨其下風又無論也烏程嘗讀之感額令刪改致悞夫
知制誥閣臣職也詞林矜悞不其甚乎

館陶全城

壬午北兵深入館陶令晉調元其姻孝廉某自閔中來道被掠
儀觀甚偉厲聲曰吾非庸庸者不令我見主帥乎如吾見也者
會當立效相報及見主帥曰我閔西男子不與俗伍姻家館陶
令以舌下之馬騾金帛隨所欲耳主帥信之以騎往孝廉求與
昇至城下約停車容入說之入即助守曲盡方畧蓋孝廉個儻
足以詒敵也

分票

嘉靖以來票擬顛首揆餘旁晚而已萬曆之季疏多留中福清

葉向高德清方從哲相繼首揆嘗聞坐終日福清曰安得票一
疏全我体乎天啟間事繁福清及蒲州韓爌間送次輔票一二
宜興始分票計疏若干折以為常晨入夕出拮据不遑閣例不
宿火申刻散班崇禎初遂燃蠟更餘堂吏猶循故事高呼申時
也錢塞庵詩深宮衡石程章奏綸閣推獻費論思子夜漏深纔
退食門官猶報是申時

熹宗寔錄

纂修寔錄各分詹翰坊局彙具送閣臣總裁又分歲月刪定彙
而上之熹宗御曆七年論寔錄終歲事耳史官雖分任乞假奉
使淹期不至或竟置之罔聞閣臣亦不以為意嘉善錢相國嘗
總裁二年有奇云同官互秘不相往復也至崇禎十一年始竣

述鄭三校錄本

講臣

經筵對御案設几列講章其上講章易為口日講從御案旁敷
陳即自撰講章或至失記蓋講章先期呈閣臣閱定中書舍人
錄置御前往時講官第闡本義末規教語不繁引也崇禎時好
行時事輒千百言如豫章禮部右侍郎羅喻義講尚書

布昭聖武泛引國朝三大營志烏程屢刑之不受忤去

羅喻義祭

酒時監生請詞逆魏批准
其呈逆魏敗始攻之

錢塞庵曰講官致規不過篇末今累牘連章烏程坐是與詞林
不協予所見講官文湛持倪鴻寶學問談洽聲容閑雅真其選
姚孟常次之姜箴勝有儀度其學不逮姜燕及氣粗許石門語
冗

堂婆

太監張彞憲監戶工二部並座堂上時稱堂公堂婆

御史改武

監察御史張任學巡按河南求擊賊自效改摠兵官先是余應桂按楚超巡撫張觀之既改階郡守節推通刺始愧悔後遷延自免

盧象升

己卯盧象升摠督敗沒鎮璫懼罪陰言其不死命遣技偵之以寔聞下校獄酷拷不承而死垂死拜獄神曰某不枉盧摠督雖死不憾

德府窖金

述鄭公校錄本

己卯正月濟南破德王由樞陷於得牡丹下窖金壬午十二

月兗州破魯王以派死之得石榴下窖金二邸最薄矧秦楚襄

福周蜀之富乎

周士撲

寇陷歸德執周尚書士撲責數之荅以布袍草履不預外事曰亦知舍人之怙勢肆虐乎辭以不聞曰爾瘞金十三窖何來不能荅被磔

謝秉謙

華亭謝秉謙本起厠養登第歷御史巡按陝西禁虐戍寅還十二月北上會被論至齊河見逮過濟南陷於朔騎同官校遇害盖舍人施普所供也怨家揚尚能擊登聞鼓訴其逃匿下撫按

輯之不得按濟南之變頗多逋吏提學副使錢塘翁鴻業易隸服而逃被執以衷服織綺謂賊官也力諱之數日有蒼頭見其象中運木戒蒼頭勿言後不知所往其家祥發喪丙戌歸家死於舍推官平湖陸燦亦逃弟某微知之往問揚州善慶庵僧德宗德宗曰赴十二年當還迄無耗則委骸風露也

和杖

崇禎中盜值官兵目語曰今日打和杖乎打真杖乎官兵畏之曰和杖遂遺金帛餌我遺脅從報級

左良玉

壬午十二月張獻忠再陷襄陽平賊將軍左良玉走漢口居民竄盡賜王副憲揚基書求駐武昌會成就餉扼要士民疑懼王

述鄭益校錄本

信之越江迎勞許屯金沙洲俟派撥逐之竟先期渡江軍城外肆劫王歸其孥至陽邏口被掠訴良玉大索得之一時駭亂人不自保賀相國逢聖訪良玉問此來奉旨乎曰否相國曰將軍扼要宜先獲頭陵而省會次之曰郢上閉關卻我曰今寇在江北而兵江南何耶曰漢上逃竄無可食相國曰駐省會幾何曰曰養銳待戰及正旦相國往叩不納排闥一見而去

蕪湖兵擾

癸未春左良玉在武昌遣副將王允成勤王自九江安慶而下恣掠流言叛兵留京籍籍南樞熊明遇亦不辦第令都督孫必進以三千人往至蕪湖知非寇也江寧令楊文驄以熊氏年家子求西征許題補賅方郎文驄即部銜視師欲蕪湖令夏維虞

誑滕不受縱兵劫掠時留京戒嚴清明節聚寶門啟二十刻遽閉游人爭入蹂死四人蔣子文廟降神言此地無恙果獲安

女慘

左良玉自武昌東歷池州道剽土人奔避斤肉直銀二鏹隻蔥二十錢墟市空竭所掠婦女二三萬左偶聞之欲搜集部卒懼頃刺投婦女屍江中浮及於揚州良玉日攻扈人心憂疑故都督陳洪範曰在崑山不能約束其衆蓋有三懼懼流寇難滅懼部卒二心懼嚴旨不測

蘆溝城

崇禎戊寅二月城蘆溝橋南門曰順治北門曰永昌甲申兩應其兆 甲申正月賊陷潞安藩世子 年十六逃外氏被執偽

述鄭益校錄本

將同飯風吹其衣見幼所佩大金錢為大順永昌也

內臣兆蝗

予生不識蝻已卯六月三日太監崔親覈兩浙錢糧益法抵抗州蝗始見仰空點點人皆異之明年萍蔓接畛盈疇能浮河港箕書

戊寅十二月十七日 上召箕仙玄帝降書曰大數九九氣運遷漢水河邊渭水河邊授秦入楚開函燕寇過數番軍過數番搶奪公卿入長安軍苦何堪民苦何堪父母妻子奔長安家家皇天人人皇天大水壑入燕地烈火焚燬秦川流寇不久即死紅眉又將發烟牛頭下走是荒年猛虎咬兔父母妻妾相拋閃家家命運在天 上又問箕荅云等閒不管閒事從朝將相面

前獨我寫得明白 聖上只得耐煩

悼靈王

皇五子慈煥薨時預言貴妃田氏及乘輿不利 上痛甚自禳於奉殿已追封悼王謚曰靈

逆榜

述鄭公校錄本

禁金銀酒器

癸未冬禁金銀酒器袷服南都公宴列銀爵或欲撤之摠憲張藐山先生曰第安之非大臣以器更誰用乎尚書高矜齋深服其言

館課

甲申三月望寇且至是日庶常謂如罷課姑往候命首輔魏藻德以制不可廢出文章可聞性道不可聞解

元旦受朝

甲申元旦受朝群臣成禮而退 上南向一拱前此未有也 孝陵夜哭

甲申三月十三日 孝陵夜哭都人喧傳張藐山先生聞之歎


曰雖訛言亦其應也往鍾山佳氣鬱葱勃萃朝夕殊狀父老謂今日減色

先帝改謚

先是張藐山總憲同予私擬先帝尊謚予擬烈宗總憲善之即擬烈宗敏皇帝以語高相國革僉曰烈宗斷不可易相國曰堯典欽明文思獨思字未謚以謚先帝何如各稱善居亡何宗伯碩錫疇奏擬乾宗相國定思宗烈皇帝尋錫疇及忻城伯趙之龍同日請改謚不允明年給事中李清請改謚命改毅宗不願詔夫毅乃武宗尊謚今廟號犯之古未有也穢相寡昧曷足論哉唐昭宗既謚起居郎蔣楷謂前有司謚先帝曰昭名寔不稱上疏駁議太常卿張廷範上恭靈莊閔皇

述鄭鈔校錄本

帝廟號襄宗改謚覆轍如此曾未深攷耳又宋高宗定謚或謂宜謚堯宗太常丞崇安詹體仁言謚法雖有之於古無據大行皇帝功莫盛中興請比殷武丁謚為高議遂決噫今之乾宗猶昔之堯宗也



述鄭公校錄本

